



~~68289~~ Uc 4152

Bayerische Staatsbibliothek

München 2 NO, den 11. MAI 1938
Ludwigstraße 23

An
die *Treus. Staat* Bibliothek
in *Berlin*

senden wir *dam* am hierher geliehene *n*

Werk *n* (*30* Bde.) mit bestem Dank zurück. Wir ersuchen,
Handschrift

den ausgestellten Empfangschein ~~zu vernichten.
uns zurückzustellen.~~



Österreichische Staatsbibliothek

11. Mai 1952

Prüfung: NO. 150

2. Block: Mc 4152

Österreich

Bei den ersten Einsparungen in den letzten Jahren...

1. Consilium de pace
in responsum

2. Aphorismi doctrinae Jesuitarum

3. Cyriacus Thrasymachus.

4. Supplementum pacis Oliv.

5. Non plura et hinc

6. Description des hinc et de hinc

52

CONSILIVM
DE RECUPERAN-
DA ET IN POSTERVM
STABILIENTIA PACE
Regni Poloniae.

IN QVO DEMONSTRA-
TVR PACEM NEC CON-
stitui nec stabiliri posse,
quamdiu Jesuitae in
Polonia mancant.

*Ad Illustres Regni Poloniae Procures Con-
versum ex Polonico in Latinum.*



8.

ANNO CHRISTI M. DC. VII.
IMPRESSVM.



DE DIOGENE ILLO CYNICO GRÆ-
ca Historia narrat, Eum, cum aliquando Athe-
nienses videret in publico periculo sollicitè concur-
rere, bellumq̄ pro patria defensione non citra ani-
morum perturbationem moliri, ne in publica illa sollicitudine
solus nihil ageret, cum armis tractandis per senectutem etiam
minus habilis esset, dolium, in quo ex instituti sui more habitare
consueverat, sursum deorsum volvere cepisse.

Hoc factum, ut insolens, cum varij variè interpretaren-
tur, prudentiores judicabant, Virum acutissimum hac ratione
docere voluisse: in publico patriæ periculo nullum ingenium
civem ociosum aut securum esse oportere, cum potius singuli ita
se comparare debeant, ut, si opere non possint, gestibus saltem,
aut quacunq̄ re licet, suum in Patriam propensum affectum,
juvandaq̄ Reipublicæ studium declararent.

Quod saluberrimi præcepti exemplum utinam hodie popu-
lares nostri imitandum sibi proponerent: Non quidem in eum
finem, ut sua concursatione exorientes tumultus angeant, ole-
oq̄ ardenti frigidam suffundant: Sed ut pro sua potius quisque
virili annitatur, quo præsens Patriæ incendium, cujus gliscē-
tes favillæ jam nimis diu et satis oscitanter neglectæ sunt, latif-
simè jam vagans restinguatur, pacatisq̄ animis Reipub. tan-
dem firma & solida pax restituatur.

Nec sanè dubito, quin talium ubicunq̄ plurimi sint, qui
Reipub. nec hinc nec alibi defuturi essent, si tantum haberent,
qui in tanta rerum & animorum dissidentium confusione fide-
liter indicarent, quid facto potissimum opus esset. Ego igitur



VHs 1044233

zur, qui corpore haecenus per DE I voluntatem, quàm minimum valeo, ut ea saltem mei parte, quæ adhuc mediocriter vigeret, Reipub. præsto sim, hunc ipsum laborem in me recipere decrevi: non quod ad id ego omnium maximè idoneus sim, sed quod aliud in præsentia efficacius auxilium Patriæ præstare nequeam.

Itaq; hoc scripto demonstrare conabor, quæ in hoc publico incendio potissima & omnium periculosissima flammæ vorantis materia sit, & qua ratione illa igni depascenti subtrahi, sedatisq; animis factionum dissidentium astus imminui & paulatim extingui possit. Nec video quibus in rebus, quove consilio Civis bonus hoc tempore operam cogitationesq; suas salubrius & utilius consumere queat.

In hac autem commentatione vos potissimum Illustrissimi Proceres compellare decrevi, Et hoc iterum non propterea, quod in argumento tam arduo & difficili, tantaq; insuper invidiæ exposito, aliquid vestro iudicio dignum me afferre posse confidam: Sed quod ad vos vestrum officium (dummodò in eodem Reipub. benè consulere volueritis) revocare, omniumq; bonorum et Reip. tranquillitatis studiosorum civium desideria, earundem rerum seriam curam vobis imponere videantur. Plenus autem spei sum, futurum, ut si fortè non omnia mea vobis proba vero, aliquid saltem ex hoc quisquiliarum acer voranorum colligatis: Aut si ne hoc quidem assequi potuero, vos saltem ex errore meo meliorum saniorumq; consiliorum occasionem arripiatis. Vt cumq; autem res cadet, mihi sufficiet, si vel inane dolium versando Reip. in rebus tam arduis, si non operam, affectum saltem meum probem & testatum faciam.

Hic autem si ordine velim procedere, necessario aliquid primum de ipso morbo, quo Respublica nostra laborat. Deinde de eius causis erit dicendum. In harum enim diligenti rerum
investi-

investigatione certaq; cognitione, eruditiones Medici primum ad restituendam sanitatem gradum non abs re constituent.

Et quod ad morbum attinet, res subtili inquisitione minime indiget, sub hoc utiq; rerum statu: majoris tamen perspicuitatis gratia, mali nostri publici universum complexum ad tria capita refero: sub quorum primo comprehendo periculosam illam dissidentiam, quæ inter subditos hujus Regni et supremum nostrum Magistratum intercedit. Secundum in illo dissidio agnosco, quod inter Status, quos vocant, hoc est inter ordinem Ecclesiasticum & civilem seu Equestrem in hoc Regno gliscit, Patriæ jam diu insigne aliquod malum minitatur. Sub tertio illud inusitatum inter Polonos factionum studium intelligo, quo Ordo Equestris hoc præcipuè tempore ita graviter laborat, ut ad efficacem aliquod remedium malis publicis adhibendum, nec virium satis, nec sufficientem auctoritatem habeat. Quæ patriæ nostræ pestis, à paucis annis eò usq; excrevit, ut extincto generoso fraternitatis Polonica candore, alter alteri suspectus esse incipiat, ut nulla ferè amplius sermonis, nedum consiliorum libera nobis communicatio reliqua sit.

Hæc inquam tria nos premunt; Poloniæq; nò rebus aliter prospiciatur, gravissimè minitantur; Vt quorum ea sit ratio, ut unum aliquod illorum ad maximum Imperium evertendum sufficere queat. Quod omen DEus Opt. Max. prohibeat & à nobis clementer avertat.

Ad causas vero istorum malorum quod attinet, res in hoc publico dissidio & mutua partium incusatione infinitis ferè difficultatibus implicata est, ut vix quisquam eam ex suo sensu decidere ausit aut definire.

Quid enim hodie majori contentionis nixu inter nos agitur, quàm ut alter in alterum turbata Reipubl. culpam transferre conetur? Vbi tamen in eo ferè utrobique peccatur, ut mor-

4
bus ipse morbove symptomata sepius pro eiusdem causis arripiantur: ut quia verbi gratia præcipuam doloris vim circa caput sentimus, ibidem & principalem morbi causam latere existimemus, ut hoc solum & immediatè velimus curari. Non aliter quam si in ardente Causone aliquis ægroto cranium perforare, æstuantèsq; vapores emittere vellet: Cum si peritis Medicis auscultaremus de fonte nobis potius cogitandum esset, ex quo hæc injuriosa capitis gravedo scaturit & exhalat.

Nec in eo parum situm est, cum hic error qui in causarum indagazione committitur in omnibus disciplinis latissimè grassetur: in Politia tamen rerumq; Politicarum tractatione longè frequentissimè occurrit, & ibidem multò quàm alibi periculosior est, ut qui in publicam salutem peccet, & sic omnium & singulorum res & fortunas secum involvat.

Mihi ergo ne idem accidat, omiſſis illis disſidentium mutuis accusationibus, quarum ego Iudex esse nec possum, nec volo, generales causas persequar, indicaturus, qua ratione illa, si non tolli, minui saltem & sensim mitigari queant.

Causæ verò vel internæ sunt vel externæ. Internas voco quæ ex ipsius corporis Polonici fatali Catberia exorta sunt, proximamq; morbo materiam suppeditant, eundemq; fovent & nutriunt. Externæ mihi sunt, quæ materiam hanc peccantem & ad morbosum habitum dispositam movent, proritant, impellunt & exasperant.

Ad internas præter illa privatorum peccata, quibus Dei ira quasi ordinario provocatur, quæ propterea omnibus à condito mundo Rebuspub. exitium attulerunt, & quibus Polonia nostra hodiè, proh dolor, saltem non obruitur, in specie refero Religionis illud disſidium & factiones, quarum occasionem turbulenta & ambitiosa ingenia ex eadem causa arripiunt; Rei insuper familiaris avarum studium, publicæ verò supinum neglectum.

Veri-

54
Veritatis odium & periculum; hypochryſcos verò assentatoriæq; adulationis studium & favorem: Iusticiæ depravationem, Injusticiæ verò palleationem.

Fortitudinem domi militiæq; in odium & suspicionem vocatam, degenerem verò ignaviam cultam promotamq; Ambitionem sine meritis, Ignaviam sine virtutis amulatione; Innocentes oppressos, sceleratos defensos; Imbellem Innocentiam periclitantem, præferocem opibusq; suffultam; improbitatem palàm dominantem; virtutem deniq; neglectam, hypochryſin præmiis ornatam.

Hæc & his similia alia Corporis Polonica vicia seu potius fæda ulcera sunt; talia nimirum quibus regna circa suas fatales periodos ut plurimum obnoxia esse consueverunt. Ad quæ sananda nobis certiore, quàm qualem humana ratio præstare queat ope opus videtur. Quæ enim tam longo temporis tractu inter nos ita invaluerunt, ut actis altissimis radicibus in ipsius Regni habitum jam quasi conversa sint, non video qua ratione hoc exulcerato seculo, paullo acrius circa ægroti periculum moveri queant, nedum ut illa subito eradicari posse confidam, ut multorum haud dubiè inconsulta patientia oprat. Ideoq; circa hoc genus causarum ita nobis procedendum existimo, ut cohibitis prius & amotis externis & irritantibus causis, illarum fervidiorem motum primum utcunq; sistamus, & deinceps per temporis successum (quo hujusmodi Chronici morbi magis quàm medicamentorum violenta operatione curantur) materiam hæc peccantem subtractione, alteratione, digestionem &c. edomemus: Sic statuentes nobis in magna felicitatis parte reponendum, si DEI beneficio nobis contingat, ut navim nostram sub hac fatali Europæ tempestate ita gubernare possimus, ut scopulos ad quos pleriq; hætenus ante oculos nostros gravissimè impegerunt, vel cum jactura aliqua evitemus.

Ad has

Ad has ergo externas causas quod attinet, quarum sunt hæc illæ ipsæ, quæ hæcenus in reliquis Europæ regnis eandem tempestatem excitarunt, cujus fremitum jam ab aliquot annis inter nos non citra horrorem animadvertimus: Quarum impetus à meridie & occidente per contigua Europæ progrediens, nostrum hunc Septentrionalem ortum, ceu turbo quidam videtur invadere. Vbi tamen DEI Opt. Max. Clementia Poloniae hoc præ aliis Europæ nationibus benignissimè indulgit, ut pestis hæc nos serò tentare ceperit, licet causa intestina in Polonia à multis annis, non minus quàm alibi conspicuæ fuerint.

Quod ingens DEI beneficium inter alia, hoc nobis (dummodo eo uti voluerimus) præstare poterit, ut reliquorum Europæorum sub eodem morbo symptomata, casus & pericula, cū medicamentorum adhibitorum in utramq; partem eventus observare, & in rem nostram convertere, & sic alieno periculo cautiore fieri possimus.

Ad quam felicitatem nobis tantò felicior aditus hoc tempore patet, quod tumultus illi non solum in recenti memoria & multis nostrorum ex oculari inspectione noti sint: sed quod plurimi insuper præstantes Viri, in singulis ferè nationibus sub ipsum morbi æstum de exorientium turbarum remedio, sua nobis eruditissima consilia, adeoq; etiam acres interdum disceptationes, publicè communicarunt. Quorum veritatem sicut & errores eventus ipsemet ad nostrum per commodum usum, utrobique detexit.

Horum igitur ductum si sequamur, apparebit omnes Europæ ferè Regnorumq; Europæorum ab annis 60. & circiter, turbas & seditiones (quarum nonnullæ valdè cruentæ & periculosæ fuerunt, & adhuc sunt) primam suam & generalem originem ex præsentis Religionis dissidio traxisse. Sed ita ut prudentissimus quisq; nō tam ipsum dissidium, quàm eiusdem com-

ponen-

7
ponendi modum accuset, qui nempe sua viciositate hæc periculosa morbi Symptomata causatus sit.

Hoc ipsum verò ut ij, qui in his rebus minus exercitati sunt, melius intelligant, rem sic explico.

Certum est Pontifices maximos cum Consistorio suo hæcenus vehementer annixos esse, ut Imperium Ecclesiasticum, per superioris seculi motus haud leviter concussum, in pristinum statum restituerent, suamq; per Europam Iurisdictionem plenè recuperarent.

Opus profectò magnum & arduum, cui melioribus mundi temporibus peculiarifortunæ afflatu opus fuisset: In quo etiam tantus hodie & tam contentiosus animorum obfirmato-
rum nixus & renixus deprehenditur, qui vel ipsius Alexandri te annos 50. Cleri & Catholicæ Religionis reformationis primam Europæis tumultibus occatione præ- victoriosum genium frangere & debilitare queat. Illi tamen hoc ita aggressi sunt, ut primum Religionis & Ordinis Ecclesiastici quandam reformationem publicè conceperint, cuius tamen capita non aliò, quam ad eum quem diximus scopum directa erant.

Cumq; eius rei difficultatem ipsimet probè perspicerent, ut quibus negotij totius vitia optime nota erant, inita sunt varia consilia, quæ cum paucissimis, ex ipso etiam Principum ordine, communicata sunt, per quæ objectas difficultates superari, remq; promoveri posse sperabant.

Ad quorum executionem delecti sunt & operose instructi certè homines, qui Regibus apud subiectam multitudinem glaciem frangerent, factiq; non admodum grati invidiam quatum verbis possent, lenirent.

His ad eum modum comparatis, res omninò successura putabatur, quam propterea ij, quibus Provincia hæc extra Ordinem, uti dictum est, assignata erat, magno animo aggressi sunt, eamq; fideliter urserunt. Eventus tamen longè alius,

B

quàm

quàm qui sperabatur, secutus est. Siquidem conatus iste tam graviter ubiq; impegit, ut turbas longè maximas pepererit, Egoq; affirmare ausim, omnes ferè Europæ intestinos tumultus, quibus ab annis fermè 50. ex quo nimirum prædicta Reformationis negotium seriò urgeri cepit, quatur, ex hac capitali scaturigine promanasse.

Modus institutæ reformationis vitiosus.

Quod ipsum tamen ea conditione affirmo, ut non tam ipsam reformationem (quamvis ne hæc quidem, ut jam dictum est, omnem fraudis suspicionem effugere potuerit) quàm eundem exequendam modum accusem. Hic enim cum perverè institueretur, illas turbas excitavit, quarum dubius eventus adhuc orbem Christianum sollicitum & suspensum tenet.

Hoc autem si quis fortè aperiùs sibi declarari cupiat, sic habero. Institutæ Reformationis hoc præcipuum vitium erat, Noverant enim illi omnium mortalium votis id unicè expeiri, ut vetus disciplina Ecclesiastica restitueretur, Cleri mores seriò emendarentur, abusus nimirum conspicui abrogarentur. Expetebat autem hoc nõ tam promiscuum vulgus, quàm ex Procerum numero prudentissimus quisq;, qui & Ecclesiæ consultum volebant, suorumq; populorum gemitus miserabantur. Sed si verum fateri volumus, Caput hoc admodum perfunctoriè ab universo Clero tractatum fuit, ut qui hoc potius operam dederint, ut suam auctoritatem tuerentur, statumq; secularem sibi denuò subijcerent, itaq; constringerent, ut sua libertati contra eundem in perpetuum caverent. Ex hoc ergò Capitali errore hæc deinceps executionis vitia prodierunt.

I, Primum utriq; Imperij Europæi brachium aggressi sunt, statum nempe Ecclesiasticum & Civilem sive Religionem & Politiam, cum alterutrum istorum plus satis negotij eis exhibiturum fuisset.

Deinde

Deinde hos ipsos status inter se ita commiserunt, ut in verso naturæ ordine, Ecclesiastico Agentis, Politico verò Patientis partes assignarint.

II.

Coacti demiq; sunt ad harum rerum praxin mediis in Ecclesia parum legitimis, adeoq; violentis & valde odiosis uti.

III.

Et hæc quidem media duplicia fuerunt: Primum hoc præcipuè operam dederunt, ut Regum & Principum studia in hoc opere sibi conciliarent, seq; eorum auctoritate munirent. Quo ipso nihil opus fuisset, si in institutæ Reformationis negotio recto pede incessissent. Ipsi tamen ut hæc Regum præsidia facilius consequerentur, eosdem communi cuidam fœderi illigârunt, per quod ad prædictorum consiliorum executionem conjunctim obligabantur. Et hinc est illa nostri temporis famata Principum Catholicorum Unio, res per se speciosa, sed quæ Europæ multarum calamitatum causa extitit.

Primum executionis medium,

Deinde ad persuadendum vulgus, hujusmodi Oratores delegerunt, quorum opera, in tractando Religionis negotio, legitima quidem fuisset, nec suo fortassis successu caruisset, si intra vocationis, quam verbis præ se ferebant, limites substitissent. Sed illi his transgressis in id ferè principaliter incubuerunt, ut Politias statumq; Politicum ad suum propositum conformarent. Et hoc quidem ea ratione, ut ausu periculossimo publicas Leges & Nationum Statuta, per quæ nempe propositum suum impediri sentiebant, hæc tollere, ibi mutare, adeoq; ad suum sensum omnia ubiq; reformare conarentur.

Secundum.

Horum verò utrumq; quantæ invidiæ expositum fuerit, et quantæ per consequens ei difficultates fuerint objectæ, cordatiore facile intelligant.

Quantum enim ad tentatam Regum ac Principum Unionem attinet, illa per se hæctenus intra Europam adeò semper incommoda.

B 2

diffi-

Vnio Regum difficilis fuit, ut quamvis multi & magni nominis Pontifices in eadem laborarint, ad exitum tamen eam vix unquam poterint perducere: tum inquam quando unanimi Religionis sensu omnes ducebantur. Qui ergo successus in hac publica opinionum animorum & designationum discrepantia sperari poterit? Deinde hic ipse in Regibus demerendis & uniedis ambitus ipsum negotium, quod alijs plerisq; non multum placebat, magis, suspectum fecit, partem adversam obfirmavit, eidemq; sui muniendi & defendendi necessitatem imposuit. Idq; tanto magis quod hac unio plerisq; ad unius saltem familiae privatam commodum & utilitatem instituta videbatur, ut eidem videlicet jam diu affectatum Europae Dominium confirmaretur. Quod ipsum quantum instituta reformationi profuerit, eventus in hunc usq; diem testatur.

Ad reformationis executionem parum utilis. Tertiò, Regum illa Vnio, etsi interdum aliquousq; promotionem parum utilis. cessit, ad expectatam tamen rei promotionem, tantum momenti non attulit, quantum plerisq; sibi polliciti fuerant, idq; ex duplici causa: Quod primum Reges & Principes Vniti, ut se interdum Sanctissimis ultrò obtulerint, negotium tamen sincerè nunquam tractarint, ut non multoties, sub eiusdem praetextu, sua privata commoda quaesitarent. Sicut in Gallijs non ita dudum manifestò licuit perficere, quòd quidam Rex potentissimus partium Catholicarum suscepit, ubi tandem apparuit, Eum sub hoc obtentu Galliae regnum afflicere. Cum enim animadverteret, plerosq; factionis illius Proceres ab Imperio Hispanico abhorre, oblitus personae, quam agendam suscepit, manus auxiliatrices retrahere cepit, ut qui videret, se spe sua frustratum. Id quod Sixtus V. tempestivè subodoratus est & ægerrimè tulit.

Talia autem plura exempla adduci possent, ex ijs etiam quae nos propius tangunt, Ex his ergò personatis & malefidis Prin-

Principum molitionibus, in Vnionis agro perpetuarum similitatum copiosissima seges indies succrescit, per quas praedictum Reformationis opus magis turbatur, quam promovetur. Quodque deinceps illorundem Regum conatus, ubi etiam serio rem egerunt, per illam edictorum severitatem, subditis magis invisum fecerunt, quam commendarunt.

Severorum edictorum in causa Religionis effectus.

Cum enim omnis coactio menti humanae gravis & molesta sit, tum illa imprimis animum liberaliter institutum enormiter laedit & sauciat, quae et Religionis nomine vis affertur. Quod tacitus quidam naturae instinctus hoc omnes doceat: DEI cultum liberi & spontanei motus esse debere. Hoc animadvertentes nonnulli ex Regum Vnitorum Ordine, hanc violentae coactionis invidiam declinare voluerunt, dum ab odiosa illa Edictorum acerbitate abstinent, & subditis religionis arbitrium ad speciem liberum relinquunt. Interim tamè, ut Vnionis legibus satisfaciant, rem dissimulanter & quasi per cuniculos aggrediuntur, dum eos quos Religionis nomine oderunt, vel ab honoribus rei, publicae beneficiis excludunt, vel in iure dicundo aliisve artibus eos variè impediunt & premunt, ut tandem adversitatibus fracti seipsos eis dedere & conformare cogantur.

Artes aulicae nostrorum temporum.

Et nostris temporibus praecipuum artificium est ijs in locis, in quibus Hispanica Inquisitio per Regnorum leges Nationumq; libertatem locum habere nequit, cui à nonnullis multum tribuitur: Fieri q; potest ut non pauci hac ratione subiungantur. Si quis tamen rem penitus consideret, facile deprehendet has subtiles artes, ut vulgò aestimantur, publico Statui plus nocere, quam apertam Tyrannidem.

Ipsam etenim religionem quam haecenus ut falsam abominati sunt, nunc etiam de Tyrannica iniusticia suspectam habere incipiunt. Deinde Magistratus auctoritatem unicum illud

Earundem fructus.

zbroni fulcimentum convellunt & subvertunt, ipsamq; Principis personam subditis exosam reddunt. Illarum deniq; injuria altius, quam vis aperta, penetrat & generosis præcipue mentibus inextinguibilem offensam memoriam imprimit & inurit. Et hi animorum affectus utut forte ad tempus, ceu ignis sub tineribus, latitant, quamprimum externa qualiscunq; ventilatio accedit, tanto periculosius erumpunt.

Abhuc ergo primum Executionis medium ad excitandas turbas, quam ad promovendam reformationem, multo efficacius fuit.

Secundi me-
di effectus.

Nec res in reliquorum impedimentorum remotione melius successerunt. Cum enim his de instituenda reformatione decretis & statutis, non solum diversus Religionis sensus, per Europam jam latissime sparsus, sed etiam Nationum populorumq; privilegia, leges, libertates & mores obstarent, illa citra tumultum ne moveri quidem potuerunt. Quae omnia tamen à præferendis ingeniis, quibus hæc provincia non citra delectum demandata erat, non solum mota, sed acriter commota & vehementer perturbata esse constat.

Instituta re-
formationis
effectus in i-
psis Regnis.

Hinc ergo turba, hinc simultates, hinc odia, hinc diffidentia cum reliquis fatalibus Furiis, quibus nostro tempore Status Politicus infestatur, ceu ex Orco proruperunt.

Id quod omnes Europæ Nationes, quas hæc pestis pervasit, sonora voce profitentur, hanc & non aliam calamitatum suarum causam omnes, qui citra morbi affectionem judicant, summo consensu allegant.

Videamus nunc ergo num malorum nostrorum Polonicorum eadem ratio sit, & num hæc etiam externa causa ad eorum inflammationem & exasperationem aliquid contulerit? Id quod multis forte difficulter persuadetur. Ego tamen illud constanter assero & assertionis meae has probationes assero.

De eo

De eo primum satis constat Clerum Poloniae et ipsum tandem vehementer urgeri coepisse, ut ad eorundem Consiliorum communicationem semet aggregaret. Ad quod ipsum tamen præcipui istius Ordinis ab initio valde leni fuerunt: non quod rem improbarent, sed quod executionis difficultate detereretur. Tandem tamen exterorum instinctus prævaluit & tergiversantes impulit. Ideoq; in hunc finem non ita dudum Synodus illa Petricoviensis celebrata fuit: Cujus decreta plarisq; vel eo tantum nomine suspecta fuerunt, quod tanto studio occultata fuerunt & suppressa.

Eadem Re-
formatio quo-
modo in Polo-
nia instituta,
Synodus Pe-
tricoviensis.

Sed nec illud cuiquam dubium esse potest, ab his ipsis primo loco diligenter curatum fuisse, ut Reges Poloniae prædictæ Unioni implicarent, eosdemq; cum Domo præcipue Austriaca quam arctissime conjungerent. Ex qua nimirum conjunctione maximum ad prædictæ executionis promotionem emolumentum sperabatur: Ut quæ ad subditos in utroq; Regno magis perterrendos, & in Ordinem redigendos permultum factura videbatur, quantumvis consiliis illis longè aliud pallium obduceretur.

Harum verò rerum praxis post infelicem illam expeditionem in Sueciam, quasi renovata fuit, ubi nonnullorum studia valde conspicua extiterunt, eorum videlicet, quos præter jam dictas causas Sueciæ amissæ invidia urgebat. Qui propterea omnem lapidem moverunt, ut novis Regum amicitias accepti infortunij sensum nonnihil mitigarent.

Suecia a-
missa.

Veruntamen ut inter vicina Regna ferè fieri consuevit, Austriacorum Austriacorum studia nostratibus semper suspecta fuerunt, ideoq; pro hac vice etiam ad Agentium illorum, consilia promovenda tantum non contulerunt, quantum speratum fuerat. Cum præsertim præter vulgares illas Regum Regnorumq; vicinorum simultates & dissensiones alia non pauca, quotidie intra & ex-
tra re-

era Regnum, inciderent, quæ huiusmodi conjunctionem Reipub. nostræ minus commodam, ipsis etiam Civibus formidabilem, efficerent. Per eius itaq; attentationem nil amplius effectum fuit, quàm ut inveterata suspiciones periculosius recrudescerent.

Quod ipsum etsi ijs, qui hæc agitabant, non ignotum esset, se tamen adeo non passi sunt impediri, publicamq; indignationem tam securè contempserint, ut tantò potius confidentius in proposito perrexerint, illudq; tandem per fas & nefas ad exitum conati sunt perducere.

Hic ergo molitionum jam antea suspectarum tam impetuosus fervor eum tandem eventum sortitus est, ut offensa Nobilitate, Regnum factionibus mutuaq; diffidentia impletum sit. Et Rex ipsemet subditis, subditi verò Regi suspecti esse cœperint. Quam constat proximam & compendiosissimam esse ad Reipub: dismembrationem & interitum viam. Et hac ratione prius illud instituta reformationis turbataq; Europæ medium satis inter nos, ut opinor, efficaciter operatum est.

Ad alterum quod attinet, Popularium nempe obstructorum remotionem, nemo Polonus opinor negabit in hoc regno majora & robustiora eis objecta fuisse, & adhuc objici, quam in nulla Europæa Natione. Consilia enim ista inter nos, ut quidem nunc res sunt, ad effectum, quem ipsi cupiunt, perduci nullo modo possunt, nisi aut Hispanica Inquisitio, aut quiddam, quod Inquisitioni illi æquivalet, in Regnum introducatur. Per quod nempe Polonia ad Hispanismi aliquam similitudinem redacta, prædictæ executioni opportuna reddatur. Patria verò nostra ea corporum animorumq; libertate hætenus utitur, qualem fortissimæ nationes & generosissimus quisq; sibi optare poterit.

Qua libertatis fiducia ex ipsis etiam Catholicis Cordationes

Captæ reformationis executio citra libertatis Poloniæ præiudicium perfici nequit.

res enormes illos abusus & vanas superstitiones, quas in Religionem ipsam eiusdemq; exercitium irrepsisse constat, magnâ multoties libertate coram ipsis etiam Prælatiis reprehendunt & detestantur. Et quis inter nos rei istius potestatem sibi eripi patietur, quæ tamen coram Inquisitionis Hispanicæ Tribunali ignis supplicio adjudicaretur?

Nemo igitur est, qui non videat, quàm duro collisu hæc inter se committi oportuerit? Postquam imprimis libertas illa, quatenus animum præcipuè & conscientias concernit, non ita dudum per confœderationem publicam, contra eadem testamenta denuo & quasi extra Ordinem confirmata est?

Confœderatio publica executionis istius obex.

Quamvis autem Hispanicam Inquisitionem nemo nobis hætenus apertè & ex professo conatus sit obtrudere, quod intelligerent, hoc citra periculum vix posse tentari: Via tamen ad huiusmodi aliquam imperiosam coërcitationem, variis artibus, paulatim & quasi per Cuniculos parata est, sensimq; mûiri cepit: Eo nimirû adhibito artificio, quo rem citra omnem mutationis sensum Practicantes illi se consequuturos sperabât: Tam cautè tamen & circumspectè incedere non potuerunt, quodq; agebant tam probè nunquam potuit dissimulari, ut rerum à Diametro pugnantium, tamq; asperarum ut levis agitatio, non ingentem flammam vel tandem eliceret. De quo ipso, prob dolor, oculorum aspectus hodiè testatur.

Hæc à me omnia verissimè dici omnes norunt, qui rerum nostrarum aliquam saltem noticiam habent, quib; actiones nostras Comitiales ab aliquot annis vel è longè spectarunt. Nec diffidentur hoc ij, qui in partibus adhuc inter nos eatenus hærent, ut & prædictæ reformationis negotium cupidè amplectantur, eiusq; studiosa, per legitima tamen media, executioni favéant.

Adhuc ergo perspicuum est, Reipublicæ nostræ intestina mala

C

mala, non solum per easdem externas causas proritari & exasperari, per quas reliqua hactenus Europa turbata fuit, sed eundem etiam in ijs operationis modum teneri.

In his igitur tollendis & amovendis opera nostra occupari debet, siquidem ordine procedere, Matriq; nostrae cum aliqua spe salutis opem ferre voluerimus.

Scio tamen quid heic nonnullus dicturus sit: Me hoc differendo Morbum ferè incurabilem ostendere, cum harum reru studio consiliorumq; istorum exoticorum effectuosae executioni potissima pars Regni implicata sit, ut curatio hic etiam ipso morbo difficilior, adde & periculosior, futura videatur.

Non est de nihilo quod dicitur, noviq; egomet multos prudentes viros in eo consentire; Existimo tamen, omnia opinione nostra faciliora fore, si primum inter res ipsas earundemq; abusum, deinde inter personas, à quibus illa tractantur, accurate distinguatur.

NB.

Austriacae familiae affinitas Poloniae per se nec inutilis nec inhonesta.

Ad res quod attinet, nec Austriaca familia, inter Europaeas haud dubio eminentissima, nec quorumcunq; caeterorum Regum & Principum cum nostris Regibus legitima & hincera conjunctio per se, vel NOS, vel Rempub. nostram in minimo laedit: sed eidem potius praesidio & ornamento futura esset, si à Practicis illis ad sinistras suspiciones non tam dense nostratibus occasiones praebentur.

NB.

Eadem fere ratio est alterius Medij, ab hujus enim executione nihil turbarum esset nobis metuendum, si modo ita institueretur, ut intra legitimu docendi modum consisteret, missiq; aliis parum convenientibus practicis eventus DEO committeretur. Non igitur res ista per se, sed earum abusus & per versus Tractationis modus Remp. laedunt, & has in praesentia difficultates nobis pariunt.

NB.

Hac itaq; in rebus differentia si observetur, inter ipsas etiam

etiam personas manifestam nobis discriminis rationem ostendit: ut nempe non omnes eos, qui praedictis rebus manum quocunq; modo admovent, pro veris calamitatis nostrae autoribus habeamus, ut curationis, de qua dicturus sum, actu ad omnes & singulos extendi oporteat; sed eos tantum qui praedicti abusus praecipuam culpam sustinent.

Si quærat aliquis, quinam illi sint? Respondeo, si eorum quos in hisce rebus periculosa experientia longo tempore erudit, consentiens testimonium admittere, si praeterea ipsam rerum evidentem inter nos experientiam in Consilium adhibere volumus, IESVITAS ET INSTITVTVM IESVITICVM pro ijs nobis necessario esse habendos. Hi inquam, sicut in supradictorum consiliorum executoriali praxi primas sibi ubiq; arrogat: ita alteram eius & quidem odiosissimam, & nostrarum imprimis rerum respectu perniciosissimam partem, extra ordinem sibi suaeq; actualitati desumpserunt. In qua agitanda ita hactenus versantur, ut quod in hisce consiliis pessimum est, praecipue arripiant, arreptum pejus efficiant, & vim eius malitiosam per subjectum Rempub. corpus, quo jure, quaeve injuria, quasi transadigere & per partes applicare conentur. Ut sic prorsus sentiant, si Jesuita non essent, Nos aut turbas eiusmodi nullas habituros, aut si quae forte, ut ex consensu reliquarum partium Europaearum, oborta fuissent, eas multo facilius minoriq; periculo consopiri posse. Hoc quidem certum est, Poloniam ab ijs ultimo loco inter Europaeas Nationes commotam esse.

Hoc verò cum illud ipsum sit, de quo inter nos quam maxime controvertitur, iudicij hujus rationes aliquanto accuratius erunt demonstranda. Quod ita faciam ut primum ad oculum demonstrarem Instituti Iesuitici, si per se consideretur, eam esse rationem, ut libera Rempub. valde inimicum & ad-

†
NB. NB.

Iesuitaru conatus & fervor omnium intra Regnu excessu pri maria causa.

I. Consilij huius praecipuae demonstrati-
onis capita.

versum, Libertati verò Polonica imprimis formidandum sit.

II. Deinde, vivis aliquot exemplis ostendam, quàm periculose Secta hæc Statum Politicum hinc inde per Europam turbarit.

III. Tertiò, objectiones nonnullas diluam, quæ sententiæ huic à contrarium sentientibus ferè opponuntur. Quæ tria si à

III. me demonstrata fuerint, quartum, quod principaliter intendo, sua sponte sequetur: Iis nempe qui Rempub. restitutam & salvam cupiunt, præcipuam operam dandam esse, Vt Iesuitæ & Iesuitismus extra Regnum eliminentur, quò sic remotis hisce Interturbatoribus, certa aliqua & firma stabiliendæ Pacis ratio iniri queat.

Ad primum quod attinet, in eo tria considero: Ipsam Ordinis Politiam: Finem ad quem tendit: Operationes sive Praxin, per quæ hunc finem conatur assequi.

Politiam, si penitus introspiciemus, fatendum nobis erit, eam in hoc genere accuratè dispositam, firmissimam, & ad res magnas gerendas aptissimam esse: Vt parti cui se applicaverit vel opposuerit permultum prodesse queat. Generalis Dispositio purè Monarchica est, forma nimirum Politicæ ad movendum & agendum commodissima. Monarchicæ dispositionis nervi in hisce rebus consistunt; capite primum uno regitur, deinde hoc caput uni etiam loco, Vrbi nimirum Romæ, alligatum est, ubi perpetuò residere cogitur. Quæ res Secta huic inter alia hoc præstat, ut uno certo & uniformi aère perpetuò regatur & vegetetur, Romani nempe Consistorij afflatu, prout is ab ijs, qui Romæ omnia possunt, afficitur. Disciplinæ demiq; forma Institutum hoc longè artissima utitur, quæ civis eius ad cæcæ obedientiam (sic ipsimet loqui consueverunt) astringuntur, in tantum ut Minoribus in nulla Majorum

Disciplinæ
ratio.

rum vel absurdissima imperia inquirere liceat: Nedum ut aliquis ea detrectare ausit.

Hæc ergò formam illam Monarchicam constituunt, constitutam firmissimè constringunt, adeoq; faciunt, ut actiones eius efficacissimæ sint, & ceu cuneus quidam penetrent. Illa verò hanc compactionis soliditatem adjuvant, eandemq; solidiorem efficiunt. Quod Primum Communitatis hujus basis, per fixam illam Generalis sedem Romanæ sedi & Consistorio, ut dictum est, quasi affligitur & implantatur.

I.
Basis instituti Iesuitici.

Deindè quod eandem Hispanico Imperio similiter inferunt, Dum inter septem generales, qui sibi hucusq; si rectè meminimus, invicem successerunt, neminè elegerunt, qui nò vel natione vel ditione Hispanus esset, quæ res non caret mysterio.

II.

Tertiò quod ex tot diversis Clericorum Ordinibus, solè ferè Iesuitæ ab utriusq; fori ordinariâ Iurisdictione exempti sunt: ut nullum profus in nationibus, nisi sui Corporis superiorem agnoscant, qui plerumq; Italus aut Hispanus est. Vt sic Ordo Iesuiticus ab omni juris Polonici coercitione solutus, inter nos liberrimè versetur, suisq; molitionibus securè incumbat. Quartò quod etiam in subdelegatis Imperiis hætenus diligenter cavent, ne in Nationibus Provinciales unquam ex indigenis eligat, sed vel Hispanus vel Italis dignitates illas conferunt, aut saltem ijs qui ex Anglia, Gallia &c. propter facinora aliqua profugerunt, aut propter nimirum Hispania studium, ex prædictis Nationibus proscripsi sunt.

III.

IIII.

Seniores verò Rectores & his similes inter nos rarissimè ex Nobilium ordine, sed ex plebe tantum adoptant. Quod cur fiat, conjectura non est difficilis: Generosa nempe Nobilitatis pectora erga patriam ita affecta nõrunt, ut suis consiliis & Præcticis ea minus commoda & oportuna statuunt. Interim his rebus fit, ut cum Iesuitismi venter nostras ferè sit, parùm idonea,

V.

Nobilitas Polonica ad cæcæ Iesuitarum obedientiam

Polonia Iesu- quem videlicet nostris opibus explere & suffarcire cogimur :
 itismā nutrit Caput tamen Hispanico & Italico cerebro repletum habeat ,
 Hispania & ad cuius nempe sensum reliquum corpus movetur.
 Italia eodem utuntur.

Hæc igitur ad Monarchicum robur , iterum perquam multum faciunt , incursum Jesuitici impetum certissimè dirigunt , & sectæ huic ad consiliorum suorum executionem , in vi-
 tum plane & penetrantem constantiam præbent.

Porrò huic ipsi Imperij Jesuitici formæ per subordinata- rum dignitatum distinctos gradus variasq; species egregiè con-
 tra omnes Monarchiæ incommoditates & vitia prospectum est :
 Ut si ex humano sensu iudicetur , ei neq; à Tyrannicâ oppressio-
 ne , nec seditiosa dissolutione , ullum periculum sit extimescen-
 dum : Quod ipsum etiam prædictæ sodalitati ad res gerendas
 miram corporis agilitatem conciliat.

Quarum rerum omnium illustre documentum nobis Hi-
 storia postremi motus Galliæ præbet , ubi compertum est : in
 illa desperata totius Regni perturbatione , ex solo Jesuitarum
 ordine Neminem , ac ne unum quidem Jesuiticum indivi-
 duum fuisse , qui Reipub. partes secutus esset : cum contra ex
 omnibus alijs Clericorum Ordinibus permulti Regias Reipub.
 partes fideliter tuerentur.

Hispano autem hi ipsi Jesuitæ tam pernaciter adhæse-
 runt , itaq; fervide studuerunt , ut eius factioni pro anima aut
 potius pro corde fuerint : De quo vulgo dicunt , quod in cor-
 poris humani structura sit primum vivens & ultimū moriens.

Prædicta sanè factio prius opprimi non potuit , aut eradi-
 cari , quàm Jesuitæ Regno exigerentur . Quod fidele & per-
 durans robur instituto huic , in tam variegata hominum collu-
 vie , nihil aliud præstat , quàm ea quæ hætenus de Politia for-
 mæ diximus.

Nūm

Nūm verò hæc talia sint , à quibus sibi Respub. Polona
 metuere debeat , ijs cogitandum relinquo , qui superiori autumnò
 artium istarum aliquem gustum perceperunt . Ego interim fa-
 ctionem Jesuiticam inter nos non aliter aestimo , quàm agilem
 quendam & acutum gladium , cuius lamina quidem in vagi-
 nam Polonicam recondita sunt : Sed ita ut capulum Romana
 Aula & Hispania manibus teneant , & sic eum ad nutum su-
 um vibrent , id quòd Instituti hujus proprius finis aliquantò cla-
 rius docebit.

Hic autem & ipse quiddam singulare , & ab omnibus a-
 liis Monachorum ordinibus diversum habet . Omnes enim a-
 liorum Religiosorum Ordines in hunc finem ut plurimum inventi
 & approbati sunt , & eò tendunt , ut popularis devotio per eos
 augeatur , Religio Romanocatholica magis splendeat , & Or-
 dinis Spiritualium Pomæria dilatentur &c. Jesuitæ verò , et si
 hisce rebus et ipsi pro virili studeant , sui tamen principalis finis
 longè sublimiorem scopum præfixum habent : Qui nempe est , ut
 Romana Ecclesiæ sive Imperij Ecclesiastici collapsam auctori-
 tatem nò solum recuperent , in quo studio reliquos Clericos Com-
 militones habent , sed ut subjectum præcipuè Europæ orbem ita
 corrigant & reforment , ut hujusmodi insultus , quos res Ro-
 mana hætenus est perpessa , in longum præcaveant , sublatis
 & quasi obstrictis omnibus occasionibus , per quas antehac po-
 pulis ad eandem propugnandam aditus præbitus fuit.

Quas occasiones norunt nò aliunde densius emerisse , quàm Molitionum
 ex Subditorum in hisce Septentrionalibus Regnis nimia , ut
 quidem Romæ semper visa est , libertate , illisq; barbaris le-
 gibus , quibus hætenus ita firmatur , ut Inquisitionis Hispani-
 cæ intentatum jugum constanter repellat.

Horum igitur remotio & annihilatio Jesuitis , per quartū
 illud & sectæ huic proprium votum extra Ordinem injuncta est.

In hunc

NB.

Finis Instituti
 Jesuitici.

NB.

Jesuitismus
 Cor factionis
 Hispanica in
 Gallia.

Molitionum
 Jesuiticarum
 in hisce regi-
 onibus præci-
 pua impedi-
 menta.

In hunc finem tot extraordinariis Privilegiis, Bullis & Indul-
tis instructi & muniti sunt, ut non solum facultate reliquo Cle-
ro universo præpolleant, sed jam ipsis Episcopis & superiorum
Prelatorum Ordini graves & formidabiles esse incipiant. Nec
ego dubito, quin gens Iesuitica aliquando Romanæ Eccle-
siæ horrendi scismatis occasionem præbitura sit. Id quod sanè
ipsimet inter nos jam hoc conspicuum Exordium fecerunt, quo
eos, Romanæ Ecclesiæ instituta sequuntur, in genuinos Catho-
licos & Politicos distinguunt. Veri autem Catholici eis sunt,
non qui Catholicè vivunt aut credunt, sed qui ipsorum factioni
ita toti addicti sunt, ut omnes illorum molitiones probent, se-
riòq; promoveant. Pro Politicis verò, id est PseudoCatholicis
eos habent, qui etsi in Fide & vita Ecclesiæ Romanæ se per om-
nia conforment, Iesuitarum tamen factiosa consilia & præ-
fervidos conatus detestantur, majoremq; Patriæ & Reipub.
quàm exoticarum factionum & practicarum respectum habet,
quod ipsum, quale sit, prudentibus liquere existimo. Interea in
his ipsis rebus specifica differentia consistit Iesuitismi, per
quam à Clero reliquo discernitur, eiusdemq; genus quasi tran-
scendit.

Iesuitismi spe-
cificus Cha-
racter.

Cum verò hoc ipsi constanter negare consueverint, vivo
illud exemplo erit demonstrandum. Inter Venetos & Pontifi-
cem hoc maximè tempore controversia intercedit super qua-
dam Ducatus Ferrariensis particula, quam Veneti, ut audio,
ante annos 130. aperto bello sibi acquisiverunt. Itemq; super
Constitutionibus quibusdam, quarum renovandarum occasio-
nem præbuerunt Magistratui Veneto Iesuitarum artes te-
stamentariæ, Pontifex autem eas in fraudem Ecclesiæ fra-
ctas esse conqueritur, Veneti hoc nomine à Pontifice compella-
ti, jure suo cedere nolunt, sed palàm præ se ferunt, sibi in sua
ditione supremam Jurisdictionem, & sic etiam Legum feren-
darum

Venetorum
cum Pontifice
Controversia

darum potestatem, non autem Pontifici competere &c. Quo
animadverso Pontifex Excommunicationis fulmine eos terri-
tat. Senatus hoc cognito Clerum suum compellat, Jus Reip.
eidem exponit: Pontificis Pontificiaq; Excommunicationis in-
iuriam demonstrat, eosdemq; pro Autoritate hortatur,
ut curato officio Excommunicationem pro nulla habeant &c.
Quid sit? antiquus Clerus unanimi consensu Reipub. causam
contra Pontificem probat, & de fide sua prolixè pollicetur:
Recentiores verò Religiosi, quorum nempe Regula præsentis
temporis conditioni accommodata sunt, Ducibus Iesuitis Rei-
pub. causam damnant, stationemq; suam deserunt: Quamvis
Iesuitæ Magistratus edicto nominatim expulsi, & in æternum
relegari perhibeantur.

NB.

Hoc autem Iesuitæ non aliam ob causam fecerunt, quàm
quod viderent, se stante ac defensa Reipub. Venetæ libertate,
stantibusq; Legibus, nec stare, nec instituti sui finem obtinere
posse. Quod ipsum sanè discrimen illud, quod inter Iesuitas ex
quoscunq; alios Clericos constituimus, satis evidenter probat &
cõfirmat. Vos ergo jam Proceres, quæso cogitate, quid
de Polonia nostra futurum sit, si inter nos omnia illa removeri
debeant, ut profectò illa remota cupiunt, per quæ in finis istius
adeptione impediuntur? Adhuc de fine.

Videamus nunc Media sive praxin, per quam ad sco- Praxis Iesui-
pum illum percurrere conantur, & hæc ex ijs, quæ jam dicta tica.
sunt, facile intelliguntur. Hoc nimirum conjuncta opera fer-
vidissimè agunt, ut primum Reges Europæos quotquot possunt
uni cuidam Fœderi illigent: Cujus fœderis Principem & Di-
rectorem constituunt Hispaniarum Regem, aurei istius velle-
ris Possessorem & custodem: ad cuius videlicet nutum reliqui
se applicare cogantur, sub hac conditione, ut qui conatibus
eius quacunq; ratione intercedit, aut quàm minimum ad ver-
satur,

D

satur, de hæresi suspectus sit, & prædicti Velleris periscolide indignus censeatur. Sed Regnorum Septentrionalium ea ferè est ratio, ut ad Legum præscriptum, non autem ad absolutum Regium arbitrium regantur. Ideoq; Regiarum personarum confederatio illis parùm prodosse poterit, nisi etiam subiecta Regibus regna in eandem unionis massam cõcludant. Acqui hoc opus, hic labor est: cum hæc eis infinita, ut jam dictum est, difficultates obijciantur, quocirca etiam opera illorum hæc præcipuè enitet, & omnium maximè conspicua est. Sic autem res suas hoc loco disponunt.

I. Primum omnium hæc sedulo curant, ut in Aulis se insinu-
 Accipiter le- ent. Hunc enim nidum hoc genus Accipitrum sibi ubiq; præ-
 suitico nō nisi struere, inq; eodem ova sua deponere solent, priusquam ad ve-
 in aularū pin natum evolent. Jesuita etiam ibi peregrinus & exul sibi, im-
 nis nidificat. mō Capite diminutus videretur, ubi ab aula arceretur.

II. Fixo hic pede, ulterius operam dant, ut clavum Reipub.
 in suam potestatem redigant, id est, ut vel Regi Reginae ve ex
 suo Corpore confessarium, vel saltem hæredi Regio præcepto-
 tem dent: Aut si hoc nō semper procedit, illis dominantur, quo-
 rum in Reipub. administratione præcipuè partes sunt & vires.
 Vtq; horum affectus, cupiditates & designationes penitissimè
 cognita & perspecta habeant: quã videlicet esca unusquisq; al-
 liciendus & captandus sit. Ad hoc autem feliciter perficien-
 dum Romana aula, quicquid autoritate, quicquid opibus, quic-
 quid artibus & consilio valet & potest, Genti huic liberalissi-
 mè, ut jam dictum est, indulget. Adeo ut Jesuitarum com-
 mendationes Romæ ad consequendas dignitates & præbendas
 plus valeant, quam potentissimorum Regum intercessionibus.

Quæ unica res, si cætera abessent, ad corrûpendas omnes,
 OMNES dico, Europæ aulas abundè sufficeret, sicut E-
 ventus, prob dolor, testatur. Quamvis hoc etiam tibi adver-
 tendum

tendum est, genio Jesuitico extra hoc quandam occultam à
 natura vim inesse, qua ingenio aulicis imperat & dominatur.

Vt autem de occultioribus factionis hujus artibus, quas in
 prædictis Politiarum officinis exercent, nil dicam: Duo sibi
 ibidem potissimum paciscuntur. primum, ut ipsorum mellificatio
 ex hac reip. arce nō impediatur. Vtq; deinceps adversariis suis
 nullam eò refugium pateat, illorumq; querela, si quas eò de-
 ferrent, vel omninò negligantur, vel quoquo modo eludantur.
 De his duobus quamprimum Jesuitæ cautum est, ipse deinceps
 sibi ad reliqua perficienda sufficit.

Constructo & firmato hoc nido, pabulatores suos quaqua-
 versum emittunt, suamq; Venationem hac ferè ratione institu-
 unt. Primum operam dant, ut in primariis Regni aut Pro-
 vincia urbibus, Seminaria, Collegia, Tempia quàm plurima
 tanquam instantis mensis sua horrea, vel occupent vel extru-
 ant. Per hæc autem duo consequuntur, quæ eis ad finem su-
 um, de quo diximus, valdè proficua existunt: Regnum primū
 universum his ceu unguibus apprehendunt, & ita constringūt:
 ut ad suum nutum illud, quoties res ita postulat, cum singulis
 partibus circumagere queant. Quod ut facilius consequantur,
 seminaria sua in prædictis urbibus ita plerunq; construunt, ut
 suis adificiis ipsa urbium mœnia complectantur, eademq; sibi no-
 tu diuq; per via faciant: ut in arcibus, quas Cracoviæ, Vilnæ,
 Calisij, Posnaniæ &c. habent, videre licet.

Nec ego Gentis nostræ supinam negligentiam et incuriam
 satis hæc admirari, aut pro rei indignitate sufficienter detesta-
 ri possum: Quod ad hujusmodi periculosas & Reip. præjudicia-
 les substructiones non solum committimus: sed ad easdem mate-
 riam ceu propriis manibus congestimus: cum sic existimem: Si
 Rex aliquis tale quid machinaretur, universam Remp. con-
 tra eum insurrecturam: Et his exterorum Venatorum inda-
 gatoribus in nostris nemoribus tantum licet?

III.
 Iesuitarum
 Venatus.

NB.

Polonorum in
 fovendis Iesu-
 itis præcipuū
 peccatum.

Deinde eadem opera juventutem nostram, spem posteritatis ad suum cerebrum, dispositis & recoctis animis regunt, & sic inter NOS Novi, & Jesuitici mundi sementem faciunt.

IV.

Dum autem intra Regni urbes hoc ij agunt, qui ad hac donis idoneis sunt instructi, reliqui Concionibus popularibus & audiendarum Confessionum operosissimo simul & quaestuosissimo artificio pro virili student. Quarum artium effectus iterum duplex est. Plebem enim primariam, ut ille loquitur, hac ratione paulatim suam faciunt, factioniq; vires adiciunt. Provisoribus deinceps, qui Camera sive Arario praesunt, viam ubiq; muniunt, ut in omnia publica & privata bona aditus eis pateat.

Jesuita sagaces aucupes.

Et hic mihi latissima sermonis valva se aperiret, si aucupia illorum, quibus illi homines, mulierculas praesertim, circumveniunt, explicare vellem.

Cum vero instituti & occupationum mearum ratio mihi habenda sit, illud saltem praeterire nolo, in quo etiam Sectae hujus a reliquis Religiosorum Ordinibus differentia aliqua perspicitur: Quod nempe Jesuita vulgaria ista munuscula, quae vulgo in Religiosos erogari consueverunt, non curant, nec ea capiunt: Quod hoc eis sordidum, & reliquo Ordinis splendori minus conveniens videatur. Aquila enim currucam non captat. Et ipsi alias ut exercitati Practici bene norunt, Pecuniam in loco negligere maximum interdum lucrum esse.

Propter passerem rete non attrahunt.

Noviq; egomet simulationem hanc aliquando eo usq; processisse, ut oblatum 50. aureorum Vngaricorum precium repudiarent.

Hominum vero opulentorum testamentaria legata, & cum his integra pradia adeo non fastidiunt, ut potius exquisitissimo artificio illa aucupentur, ut Polonia, in hac etiam publica moru corruptione vix quicquam simile experta sit. Hinc ergo

ergo istis pecunia neglectoribus, qui suam gratuitam operam nobis tam officiose deferunt, illi regales inter nos Proventus, quorum praesidio se jam non solum animose, sed etiam factiones inter nos alere incipiunt. Hoc etiam cum reliquis suis arcanis in Majore Polonia, Calisij: in Minore Cracovia: in Russia, Lublini; Vilnae in Lithuania; Postovij in Masovia; & Brunsberega in Borussia: deponere & custodire dicuntur. Haec inquam Imperij Jesuitici inter nos aeraria publica sunt, & Charophylacia, quae si hoc tempore excuti deberent, Poloniam haud dubie de status sui qualitate rectius instructura essent, quam tot haecenus tumultuosa scrutinia praestare potuerunt.

Et haec de praxi Jesuitica.

Hac itaq; de primo designationis meae Capite, de Politia nimirum instituti Jesuitici, pro lectoris instructione sufficiant. Ejus nunc erit cogitare, num fallatur qui Jesuitas Polonis Reique eorum publicae vehementer formidandos & sedulo cavendos censet. De narrationis autem meae veritate, novi plerisque melius quam mihi ipsi constare.

Supere est nunc, ut quae in genere de Secta Jesuitica natura & moribus proposita sunt, per particularia Exempla comprobentur, adeoque demonstretur, quam periculosa harum rerum praxis ordini Politico fuerit, quod secundum erat propositionis Praxis Jesuiticae caput: Hoc ipsum vero domestica & nostrae experientiae tica ordini documenta satis explicare possent & demonstrare. Spero tamen in exterorum Historia rem magis conspicuam fore, quod illorum casus extra factionum effectus positi, & sic ad instruendum apiores sint: Ideoque illorum exemplis immorabor, ita tamen ut nostratum non prorsus obliviscar.

Inter plurima vero documenta vix quicquam illustrius est, Quod Historia ultimi tumultus Galliae suppeditat: ex quo nempe

nempe perspicitur, quantum Iesuitismi Genius contra statum Regium ad ejusq; everisionem possit. Res sic habet, Regni Gallia ea est conditio, ut à Prudentiæ Politicæ studiosis ferè pro optima Politicæ formâ allegetur. Et quamvis in eo nobis cum ipsis non per omnia conveniat, certum tamen est, eam firmissimam esse: siquidem ad absolutæ Monarchiæ formam quàm proximè accedit, contra Tyrannidem tamen & seditionem ips legibus, eâ Parliamentorum auctoritate, illa deniq; sanguinis Regij reverentia corroboratum & firmatum est, ut his solis rebus hæcenus indictum perstiterit.

Et quantum ad sanguinis Regij observantiam attinet, Galli vulgò aliquid præ reliquis Nationibus in hoc affectu putantur habere. Illorum sanè regia familia vetustior est, quàm ulla Europæ. Contra hanc tamen firmissimam, ut Henrico III. haud dubiè videbatur, arcem Iesuiticæ impressionis cuneus tantùm valuit, ut quod in Gallis hæcenus inauditum erat, Rege in Ordinem redacto, Familiæ Regiæ auctoritatem ita penitus prostraverint, ut & personam Regiam neci dederint, & infensissimæ Gallis nationi, ad invadendum Regnum viam longè latèq; complanaverint. Et nisi peculiaris & penè miraculosa DEI providentia conatibus eorum tam evidenter obstitisset, rem eò deducturi videbantur, ut Galli proditâ Regiâ familiâ, quæ inter eos annos plus quàm 600. tam altas radices egit, ut omnes ferè principales familias complexa sit, Gallici nominis perpetuum hostem & amulum sibi Regem ascivissent. Ideoq; sanè multò majori miraculo, quàm si nobis ante hæc Demetrium suum Muscoviticum obrufissent.

Hæc autem ut magis perspicuum fiat, quomodo Instituti istius Genius erga statum Politicum sit affectus, ex tot illorum inoletionibus, quibus Henricum illum subverterunt, unum saltem

NB.

saltem sed valde insigne illorum stratagemâ hæc producâ, cujus hæc est ratio.

Sub initium prædicti tumultus, quæstio illa in Gallis agitari capit: Num Pontifex R. Galliæ populum à fidelitatis juramento, quo Regi suo obligatur, in casu hæreseos absolvere possit? Ex hoc oriebatur altera huic admodum affinis: Num cuilibet privato liceat Tyrannum propria auctoritate occidere?

Intelligis, opinor, cordate lector, quantum Regis, statusq; Regij in horum Problematum decisione interfit. Et quid putas Apostolos dicturos fuisse, quando Hierosolymis primum Concilium sub præsidio Spiritus sancti celebrabant, si religiosus aliquis cum eiusmodi quæstione coram eis apparuisset? Neque tamen in Gallis controversiæ istæ novæ erant. Ad priorem ventilandam Pontificum olim cum Galliæ Regibus perpetua litigia perennem materiam suppeditarunt.

Posterior verò ante annos plus minus 200. post cædem nempe Ludovici Aureliani, in Sorbonistarum Collegio publicè agitata & solenniter decisa erat. Vtraq; semper constantissimè fuit negata, adeo, ut posterioris assertio & assertor Iohannes Præsus, nò fallor, in Concilio etiam Constantiensi ex æquo damnati fuerint.

Pro hac autem vice eadem quæstiones Galliam ad eum modum immutatam invenerunt, ut bona pars Cleri, & cum his totus Iesuitarum Ordo utriusq; assertionem probaverint, revocatâ & annihilatâ Majorum suorum perpetua sententiâ: non aliter quàm si novus interea Mundus successisset.

Hujus verò immutationis Iesuitas præcipuos autores extitisse, ipsa Sorbona post res sedatas publicè professæ est: Et Iesuitæ idem non obscure agnoscunt, dum inter ea causas propter quas olim Pontificia Excommunicatio contra Galliæ Reges mi-

Quæstiones à Iesuitis in Gallia motæ & decise.

Iohannes Præsus.

Iesuitarum in disponēdis a nimis peculiare artificium.
 ges minus efficax fuerit, hanc nominatim exprimunt, Quod Gallorum animi tum non sufficienter dispositi fuerint. Hoc est, quod tam acres seditionum concitatores non habebant, quales hodie Iesuitici Concionatores sunt & Confessarij.

Hæc igitur Iesuitarum decisio (non tamen absq̃ DEO) Henrico necem attulit, & contra Parricidam absoluit, eumq̃ Ebudo isti Israëlitarum liberatori æquiparavit. Quale nihil in ulla Christiani Orbis parte, inde à Religionis incunabulis aurum scriptum ve est, aut lectum.

Tyrāno quis: secundum Iesuitas.
 Vbi tamen, ut rei indignitas melius perspiciatur, diligenter notandum, Sectam hanc, Tyranni, eius nempe quem ab unoquoq̃ privato impunè occidi posse contendunt, definitionem sibi sueq̃, differenciæ referasse: secundum quam is nobis pro huiusmodi mactationis pecude habendus est, qui quacunq̃ ratione in Romani Pontificis indignationem incidit, & ex Iesuitarum sensu excommunicatur. Id quod ideò hæc addendum fuit, quod in alterius questionis formatione, ab ipsis insidiosè additur.

Iesuiticæ definitionis Hæreticus.
 In causa Hæreseos, ut hoc nempe fuco, perfidiam suam in Magistratum supremum incrustent. Cum ex præcedentibus constat hæreticos illos esse, non qui pravas in Religione opiniones sectantur: sed qui Iesuitarum artes quocunq̃ modo impediunt, aut ipsis non per omnia obsequuntur.

Sicut vel ex Venetorum exemplo intelligere possumus, quos hæc Secta per universam Italiam pro pestilentissimis hæreticis proclamare dicitur, ideò saltem, quòd latius seu potius renovatis Legibus, Iesuitarum cupiditati frenum injecerunt. Et quòd forcè etiam (de quo mihi constat) Inquisitoria potestatis libidinem intra nimis arctos carceres concluderunt.

De Henrico verò certum est, Eum dum vixit nullius uspiam erroris ab ullo Catholicorum insinulatum esse. Constat etiam

etiam Eum in Catholico Romana communione usq̃ ad extremum perstitisse. Furoris autem, quo eum persecuti sunt, hæc vera causa fuit: Quod sceptrum regiū non ei tradere volebat, quem sibi hi socij tanquam idoneum molitionum suarum administrum Gallix Regem destinaverant.

Henrici III.
 hæresis.

Nunc ergò Proceres iterum attendite, An non per hoc Iesuitarum decretum, omnium Europaorum Regum & quorumcunq̃ Magistratum Politicorum mors & vita ab arbitrij Iesuitici horoscopo suspendantur? ut si his illis dextrè ascendat, illi vivant & valeant, sin minus pereant? Qua de re prædicta Venetorum calamitas, Regis Britannix perpetua pericula, & illorum omnium metus, qui hunc ordinem sibi infestum sentiunt, abundè testantur.

Magistratum
 pericula.

Venetorum tamen exemplum præcipuè conspicuum est, quod Respublica illa, ut dixi, Romano Catholicam Religionem hætenus, tãquam Imperij sui Palladium accuratè observet, & acerrimè tueatur.

Quæ exempla quoties expendo, toties exhorresco, cum videam, quàm facile sub præsentis rerum statu inter nos simile quiddam in alterutram partem accidere possit, postquam imprimis sectæ Iesuiticæ, ad huiusmodi aliquem effectum, tam pertinaces & fervidi conatus ab aliquot jam annis inter nos deprehenduntur. Eos sanè ad tale aliquid etiam inter nos audendum satis animatos esse, proximorum aliquot mensium experientia demonstravit:

Sed hæc fortasse aliquis dicere volet: Inter nos nihil ab hac parte esse periculi, quod Iesuitis cum Rege nostro probè conveniat &c. Mallem hos dicere posse Regi nostro cum Regni ordinibus, & his cum Regia Majestate probè convenire. Hoc enim ad Reipub. salutem aliquantò utilius, & ad securitatem nostram

E

nostram

nostram firmiter & efficacius esset. Nunc autem hoc verè dici agnosco, neq̄ tamen hoc ipsum sollicitudinis meæ causam tollit, sed eandem potius auget. *Regis vita & quæ ab hoc pendet regni fortuna Iesuitarum afflicti obnoxia.* Ecquis enim certò dicere poterit, quod hoc Regi nostro perpetuum futurum sit, ut Iesuitis tam propitiis utatur? Quid si is aliquando deprehensis illorum artibus, à quibus eum hætenus pleriq̄ circumventum existimãt, animum mutet, & potiorem Reipub. respectum habere incipiat. Ecquid tùm eum sperare jubebimus? An non tempus fuit in Galliis, quo Henricum III. ex Polonia redeuntem, Iesuitæ eo applausu excipiebant, ut laudum eius præconio exsatiari nequirent dictitantes; Huic uni individuo omnes Constantinos & Carolos magnos, omnes Ludovicos & c. inclusos esse, Hunc fortissimum, felicissimum Christianissimum & invictissimum, Christi athletam, Ecclesiæ Catholicæ Protectorem, Hæreticorum malleum & pavorem à DEO Galliis provisum?

Henricus III. in Galliis priusquã disciplinam cepit, à Catholicis saltem non altero Messia habitus.

Quid verò hæc omnia eum tandem juverunt? Cum hic projecta assentationis affectus, paulò post ita in contrarium mutatus sit, ut eum non solum occidi curaverint, sed occisi cadaver, quantum in ipsis fuit, sepultura prohibuerint: ipsumque parricidam in Divorum Catalogum retulerint.

Sed esto, inter nos tale nihil metuendum sit in præsentia, quis verò noverit, qualis in posterum Regum rerumq̄ nostratum status futurus sit? Nostrane itaq̄ matri ita consulemus, ut tam ambiguae fructificationis semen scientes intra Reipub. viscera retineamus, tantã curã foveamus, & ad posteros propagemus? Quis inquam sanus nobis suadebit, ut fortunas nostras tam ambigui eventus aleæ cõmittamus? ut nempe Respub. non diutius salva sit, quàm quousq̄ Regi Reipub. publicæ cum Iesuitis probè convenit? ut tum demum nobis seculos esse liceat,

liceat, quando nihil inter nos est, quòd Sectæ huic offensionis causam præbere possit.

Dixi, quanta sit vis aculei Iesuitici contra Reges Statuq̄ regium, quoties hunc molitionibus suis obstare intelligunt. *Iesuitismi genus ipsis Legibus insectis.* Hic autem Lectorem notare velim, eiusdem pestis non minorem efficaciam esse, in oppugnanda & expugnanda Rep. atterendis legibus, quoties nempe sentiunt, se ab his in instituta sua venatione impediri.

Et quod ad leges attinet, hæc Politicæ tinea illas præcipuè arrodere consueverunt & exedere, quibus jus successionis in Regno continetur, Libertasq̄ & pax publica firmatur.

Qualem in Galliis præcipuè invenerunt illam Legem Salicam, Matriculam & fundamentum illius Regni, per quam stirpis regie mascula proles, exclusis sæmellis, ad regnum sola admittitur. Cujus legis vigore, successio Regni post interfectum Henricum III. ad Henricum IV. Regem tùm Navarrae devolvebatur.

Lex Salica in Galliis.

Quod ipsum, cùm Sectæ Iesuiticæ suum interitum interpretaretur, tantum efficere potuit, ut Galli hoc Reipub. sua fundamentum ipsimet subruere conarentur, ascitã cõtra hanc Legem Philippi II. Hispaniarum Regis filia, quam ex Henrico II. Galliarum regis filia susceperat, in regni sui heredem, operis totius promotoribus & internunciis Iesuitis. Quod autem Galliis Lex Salica præstat, hoc Polonia adhuc Regum juramenta conferunt, per quæ hætenus Reip. liberae electionis jus conservatur.

Quàm periculose verò hoc etiam libertatis nostræ fulcimentum ab his tineis arrosus sit, egomet dicere nolo, nec publicè ipsumet divulgabo.

Eiusdem virtutis illustre specimen coram oculis nostris in vicina Hungaria, Austria, Styria, Corinthia & c. ediderunt. Eo nimirum successu ut obrutis legibus, quibus prædictarum

Nationum & Provinciarum Libertas nitebatur, partem earum penitus oppreſſerint, partem ad extremam deſperationem adegerint.

Homines nobiles ſedibus pelluntur, quod Jeſuitis gemiculari nolunt.

Hoc quidem rumor publicus haecenus conſtãter affirmat, in praedictis Provinciis alicubi illuſtribus, & antiquiſſimæ nobilitatis familiis publicè diem dictum eſſe, intra quem ſe aut coram Jeſuitarum Tribunali ſiſtant, aut relictis patriis ſedibus aliò migrent; quæ res fœderi iſti malè vertat.

Hic ergo jam quaero Proceres, ſi res forè in eum caſum deveniat, ut Regiam Majeſtatem Jeſuita inter nos, vel nunc vel poſteris temporibus, ut eandem contra Remp. contra Leges & libertates noſtras incitent; Vt quando haecenus coram moderna Regia, pacem religionis unicum illud furoris Jeſuitici repagulum, ita traducunt, ut eam Tartaricam & Mahometicam perfidiam nuncupent, quam Regia Majeſtas citra æterna ſalutis ſuæ jaeturam nec approbare poſſit, neſum ut eandem projectum tueri debeat &c. quam inquam Vos mihi ſpem dabitis?

Pacem religionis Jeſuita ut Canes Lapi admordent.

Novi tamen, quid etiam hic nonnulli excipiant, non eſſe videlicet tantopere admirandum, ſi confœderatio illa fortæſis non omnibus probetur, ſub qua nimirum tot abominanda ſectæ quotannis inter nos ſuppullulent &c.

Age itaq; cedamus eis ad tempus (quod tamen citra Reipub. præjudicium fiat) hoc jure: quid verò ad illud mihi reſpõdebunt, quod in proximis Comitibus VVarſavia Dominica Miſericordias Domini Anno 1606. ex Petri Schargæ ore audivimus, quando is converſo ſermone ad Regem ſic alloquebatur: Eheu Rex, quorſum jam nobis res tua intempſtiva conniventia reciderunt? Reges olim Poloniae de rebus ad Rempub. ſpectantibus cum ſolis Senatoribus deliberabant, Nunciorum iſtorum terreſtrium, quos vocant, nullæ in hiſce rebus partes erant,

erant, ut qui non ita dudum introducti ſunt. Nunc verò tuâ & quorũdam Majorum tuorum ſocordiã reſeò, proh dolor, deducta eſt, ut quàm primum feroculus aliquis Domicellus, qui ſe pro Nuncio forte terreſtri gerit, votum ſuum proponit, omnes ei protinus aſurgere, conantur. &c: Tuum tuum erat ò Rex, eiſmodi perverſas, quæ contra antiquos mores inoleverunt, conſuetudines cohibere. &c. Vbi etiam manibus ceu nutu indicavit, quid fieri velit, Summa nimirum papavera demetienda eſſe.

Hinc igitur Tubicinis iſtius Aulici tenorem, ſi reliqui tribules ita perſequerentur, ut proſectò eum ſtrenuè perſequuntur, ut ad conſiliorum iſtorum executionem operam vel vires Regi aliquando in auxilium offerant, Ecquid de nobis, deque noſtra haecenus illibata libertate futurum cenſetur? Diſputatur haecenus inter nos ab annis 50. & circiter, de legum Polonicarum auctoritate contra Pontificum Decretales, quæ civis Poloni caput & fortunas, in caſu Hereſeos, ut loquuntur, abſoluto Epiſcoporum arbitrio, contra expreſſas libertates noſtras ſubijciunt, Regiq; nullas alias in iudicio quam Miniſteriales executiones partes relinquunt.

Diſceptatur etiam hodie inter nos de modo poteſtatis Regiæ, itemq; de Reipub. in rebus ad ſalutem Regni ſpectantibus auctoritate. De hiſ autem Controverſiis, quod Jeſuita ſentiant, non eſt obſcurum: Regi enim Regiæq; Majeſtati, quãdiu in conatibus ipſorum promovendis conſtãter perget, tantum adjectum cupient, quantum Henrico III. olim, & eiusdem ſucceſſori Henrico IV. propter oppoſitam rationem detraxerunt. Quomodo verò vice verſa in Rempub. animati ſunt, Petrus Schargæ jam nos docuit. Et vos adhuc dormire vultis?

Ex his ergò omnibus perspicitur, Jesuitas illos esse qui diffidentiam inter Regni hujus subditos & supremum Magistratum serunt, fovent, augent, exasperant, dum Regiam Majestatem Nobilitati, Nobilitatem Regi suspectam efficiunt, et sic Principem eò deducunt, ut omisso fidelium subditorum respectu, extera amicitia præsidia circumspiciat. Idem verò illorum studium est circa statuum illorum dissidium, quod haecenus ceu in cineribus sopitum jacuit, quod tamen illi subinde fodiant, dum Prælatorum animos sollicitando, hos spe, illos metu incitare non desinunt. Illas autem populares factiones, quibus Ordo equestris periculosissimè hoc tempore distrahitur, eccui alij, quàm Jesuitis acceptas feremus? qui primum universum hunc Ordinem generaliter in Hereticos, quibus nullum in Regno nisi precarium jus concedunt, in Politicos, quos his aliquanto peiores statuunt, & sincerè Catholicos sibiq; fideles tripartito discernunt. Et inter hos ipsos deinceps privatas similitates & dissidia serunt & alunt. Ex quo inter infinita mala etiam illud consequitur, ut Princeps, ne quidem si velit, præcipuum aliquem Nobilitatis respectum habere queat, ut in cuius dissolutis scopis parum auctoritatis & præsidiij sibi repositum noverit.

Hæc igitur etsi palàm inter nos practicentur, ita ut animi affectus citra ruborem ipsimet in publicum prodant, sunt tamen qui Jesuitarum inter nos patrociniū suscipiant, & omnia sedulo conquirunt, quibus hæc sub aliqua probabilitatis specie, vel prorsus negari vel saltem palliari & excusari quomodo posse confidunt.

His igitur deinceps nonnulla respondenda sunt, nam hoc tertium nobis designationis nostræ caput constitutum fuisse meminimus. Qui itaq; Jesuitas omnium fervidissimè propugnant? primo loco Catholicam religionem allegare consueverunt, à cuius interitu sibi metuunt, si in Jesuitas gravius aliquid de-

beret

beret statui. Estq; hic defensionis Jesuiticæ longè splendidissimus & maxime plausibilis prætextus, ad quem congeruntur Ordinis istius res gestæ, Barbarorum nempe infidelium sub utroq; Mundi axe, sicut & hereticorum in hisce partibus plurimorum felicissima conversio. Quibus ante hæc inter nos adiecti sunt, divini & miraculosi illi scæ istius successus in Moscovia & angusta spes, quam ex illo tractu, & nobis & Romana Ecclesiæ ostentant &c.

Ipsi etiam Jesuitæ, ut hic foro utantur, videri volunt, eos qui illorum ejectionem & ex Aula remotionem suadent, id malitiosè agere, ut ab actis Canibus ab ovili, oves Luporum servitiæ prostituant.

Adhæc igitur quid dicimus? Hæc nempe primo hic ad-
 mirari cogor, quibus rationibus sibi persuaderi patiantur Catholicam Religionem citra Jesuitarum operam in Polonia consistere non posse, ij qui credunt Romano Catholicam Religionem, qualis illa nunc est, paulò minus quàm Mille quingentos annos per Orbem durasse, antequam Ignatius Lojola in terris natus est, ita videlicet, ut in nostra quoq; Polonia tot centenos annos egregiè floruerit? Deinde dico Christum & Apostolos ab initio non solum religionis propagationi, sed etiam aeternæ ejus conservationi, per sufficientia media abundè prospexisse: Ut Ecclesiæ quam diu in veritatis tramite simpliciter incedit, nullus novis & extraordinarijs medijs opus sit.

Hi autem non Jesuitas, quos quidem ego sciam, sed Episcopos, Præbiteros, Doctores, Pastores, Diaconos &c. ordinarunt. Istorum verò officiorum cum non solum nomina sed etiam personæ inter nos supersint, quibus illorum cura de mandata est, quis dubitet, quin hi, dummodò officium faciant, religionem sint rectè curaturi, ut maxime Jesuitæ in Polonia nulli sint:

Quod via arguunt.

Jesuitarum
nequitia ubiq;
applausores invenit.

Religionis
Romano Catholice
conservatio &
propagatio.

Qui putant
Religionem
citra Jesuitarum
operam
consistere non
posse, ordinari-
um Clerum
pudèdè igna-
via arguunt.

Qui &c.

Quod si autem Jesuitæ canum illâ valde ambiguâ appellatione ita delectantur, ut sibi solis eam vendicent, videriq; velint, citra ipsorum vigilem curam Dominicum ovile omni præsidio destitutum, indicari mihi velim, quid de reliquo Ordinario Clerosentiant? Num eos fortè pro vulpibus haberi velint.

Tertio ulterius sic dico Religionis curam & propagationem Jesuiticæ designationis minimam partem esse, quam nimirum ipsi amplius non curant, quàm quatenus prætextus illius eis ad principaliorem Instituti sui finem, de quo dictum est, viam munit. Id quod vel hinc apparet, quod inter eos partes docendi in Ecclesia inferioribus ferè committuntur, ut primicerij istius Ordinis, & qui ingenio præstant, illis quas diximus, sublimioribus artibus in Aulis liberius vacare queant.

Iesuitæ religio.

Quartò experientia testatur, quod etiam virorum doctissimorum, quos vel Jesuitæ ipsi pro Catholicis coguntur agnoscere, calculo confirmatur, Jesuitas Romano Catholicâ intra Europam magis obstitisse, quàm ut eandem promoverint. De quo aliquot inter præstantissimorum Virorum, ex ipso etiam Ecclesiastico Ordine quærimonia non semel audire memini.

Hoc ipsum verò cum multis prorsus incredibile videatur, his illud rationibus ulterius declaro: Primò omnes in univversum Catholicos in eo mecum consentire opinor, quod ibi demum Romano Catholicâ Religio crescat & floreat, ubi Concilij Tridentini Canones & Decreta acceptantur, & juxta eosdem creditur & vivitur. Ibi nempe instituta reformationis negocium, de quo supra dictum est, plene succedit, in quo nempe Ecclesiæ Catholicæ salus hodie reponitur. Sed experientia perspicue testatur, Concilij istius executioni vix quicquam hætenus fortius obstitisse, ejusdemq; Decreta nationibus suspecta & exosa reddidisse, quàm Jesuitarum practicas & seditiosum fervorem, quibus

quibus modestissimū quemq; inter ipsos etiam Catholicos offenderunt, & omnia turbarunt.

Deinde negari non potest solius Jesuiticæ bilis præfervido Calamitatis æstui imputandum esse, quod Romano Catholicâ Religio hodiè in Anglia in amplissimo Britannia Majoris Regno tanto studio premitur Catholicorū & opprimitur, & nunc etiam post exactos Iesuitas Catholicorum immediati Sacerdotum secularium usu penitus priventur, & sic Regis autores Iesuitæ, clementissimi beneficio gaudere nequeant. Eandem calamitatem ijdem Catholicos non ante annos adeò multos, in Scotia, Iesuitarum culpa perpetrati sunt. Cum enim illorum nonnulli in Regno Scotiae conjurationis cujusdam, quæ contra Regem ibidem à Paulo Crichtonio Iesuita in Hispania instituta erat, tabulas hinc inde inter Romanæ Confessionis homines clanculum circumferrent, quibus illi subscribere debebant: Re proditâ, ex primaria Scotiae Nobilitate complures, qui hætenus ceu columnæ religionis Romano Catholicæ in prædicto regno fuerant, extremum vita fortunarumq; omnium discrimen adierunt. Sed & reliqui Catholicos omnes, cum ipsa Religione, cui Rex antehac non admodum adversari videbatur, in justissimum Regis odium incurrerunt: Ea ratione ut in hunc usq; diem miseri illi facinoris Jesuitici pœnas luere cogantur.

Et quid aliud Hungaros & Transsylvanos non ita dudum ad eum modum exacerbavit, ut unâ cum Jesuitis, omnes Catholicos Sacerdotes, quos nancisci potuerunt, malè tractatos, ex finibus suis expulerint, quàm importunus ille Jesuitarum fervor? Dum hi supremi Magistratus autoritate & favore freti, reliquias libertatis prædictarum provinciarum tanto impetu invadunt, ut incolæ, qui hætenus omnia pertulerant, has ultimas Jesuitarum injurias perferre nequiverint, & extrema potius remedia arripuerint. Ad quod eos haud dubiè vicinarum provinciarum perspecta calamitas animabat. F
etiam

etiam de Polonia dubium nullum est, quin & inter nos aliquando rebus turbatis Catholica Religioni magnum aliquod infortunium sint conflaturi: Siquidem diutius inter nos conversari debeant. Cujus rei hæc abundantissima causa jam nunc præstò est, quod hæc livor illa, quæ nobis tantopere commendatur, docendi facultate non contentus machinationibus suis publicam Magistratus auctoritatem præterdit. Quæ res ut fortè plebeculam territat, ita cordatiores quoque vehementer offendit, studia eorum suspecta facit, & quod iniquissimum est, Magistratum sicut & ipsum Clerum publico odio exponit, ejusdemque auctoritatem subditis contemptibilem reddit. Hæc igitur Catholica Religionis damna si cum profectibus comparentur, quos Iesuitæ intra Europam & ejusdem propagatione fecerunt, tantum fortassis vix superfuturum est, ut gloriabunda illorum jactantia respondeat.

Veruntamen ut hujus etiam infortunij culpam eis condonemus, si doctrinam Iesuiticam per se & extra hos excessus æstimemus, in eadem nihil, quod tanto præconio dignum sit, deprehendetur. Religio enim vel voce, vel honesta vitæ conversatione vel scriptis propagatur & defenditur.

In concionibus ut plurimum Iesuitæ subriles, disertæ, & in concitandis affectibus acres, vehementes & impetuosæ esse consueverunt: ut imbecilles et incautos animos movere & percellere possint. Hæc autem qualescunque dotes, quæ in sincera Pietatis schola non perinde æstimandæ sunt, corrumpit & cordatioribus suspectas facit primum Elocutionis sive actionis (hanc quidam hypocrisin vocari dicunt) gesticulatoria levitas, nimiumque fucandi sermonis studium: Et, qui sub hoc præluce, ardentissimæ ambitionis affectus. Quorum utrumque nescio quid fucatum & non Apostolicum sapit.

Deinde deformat eos ista inexhausta calumniandi & convician-

Iesuitæ quales Concionatores.

viciandi libido, qua plerumque in adversarios debacchantur. Idque tantum ut plebis animos incendant atque exasperent: Cum interim adversarios, quos lucrari debebant, magis indurent. Me quidem hæc ita offendunt, ut vilissimi pagi Parochum interdum concionantem audire malim, quam, qui in universa Polonia inveniri queat, disertissimum Iesuitam.

Disciplina Confessionaria.

Ad confessionarium artificium quod attinet, non inficias eo, hoc venationis Iesuiticæ præcipuum instrumentum & perquam commodum rete esse. Neque tamen hoc ipsum tam cautè hæcenus disponere potuerunt, ut illa omnium arcanorum perscrutatio, peccatorumque interdum non pudicum examen, cum satisfactionis illa insidiosâ multoties etiam avarâ impositione non plurimos offenderit, & à Catholica communione ita repulerit, ut ab eadem propter ipsos præcipuè Iesuitas penitus abhorreant. Sentit hoc jam in vicina nobis Moravia Præsul Olmucensis, sub cujus nomine Iesuitæ libellum quendam ibidem typis excussum ediderant, in quo pro Confitentium instructione Cathalogus peccatorum cum discretione venalium & mortaliū recensetur, secundum distincta vitæ communis officia: Quando ejus libelli abominandâ spurcitie (: ab amicis propterea admonitus :) post aliquantò diligentius perpensâ pudore victus eundem, ut Christianæ confessionis minimè ferendum, omniq. luce indignum opprobrium, precio plusquam decuplo passim redimere & penitus suppressere conatus.

Quantum ad vitæ conversationem, eam quidem hæcenus ita instituerunt, ut nimis conspicua illa vitiorum ulcera, quibus Clerus antehac turpiter deformatus, Laicisq. exosus redditus fuit, studiosè vitarent. Neque tamen in hoc etiam proposito tam constantes aut circumspecti fuerunt, ut non in opposito arboris scientiæ boni & mali fructus se in iisdem proderent. Dum enim ab una parte miraculosam quandam vitæ continentiam, An-

gelicam castitatem, Religiosâq; pietatis devotum studium ostentant: ab altera parte profunda avaritiæ tam dira lues, & circumveniendarum Nobilium familiarum, Viduarumq; & Orphanorum decipiendorum tam callidum artificium apprehenditur, ut hoc ipsum prudentioribus, in hominibus tam religiosi summæ admirationi fuerit. Ut interim superiorum Iesuitarum artium intactum Chororum hæc relinquam, de quibus tam multa jam dicta fuerunt.

Scriptio Iesuitica.

Restat scriptio Iesuitica, in qua ferè summus Instituti huius excellentiæ gradus constituitur, nec id prorsus vanum censi debet. Negari enim non potest, dictionis Iesuiticæ characterem per se tersum & argutum, Orationem autem, si artificium spectes, floridam & nervosam esse. Quæ scriptio virtutes ad illectandam & capiendam Juventutem non exiguam vim habent, quæ etiam Iesuitas, harum præcipuè rerum admiratione, suscipere & sectari solet. Qui verò serio pietatis studio afficiuntur, hæc tanto minus curant, quanto in hisce rebus nimia Iesuitarum affectio evidentior est: non aliter quàm si omnibus veteribus & recentioribus Sophistis, aut ipsis etiam triobolaribus rabulis palmam vellent præripere. Veritatis autem sermo simplex est & esse debet: Imprimis autem Christianæ religionis tractatio huiusmodi fucata & colorata orationis lenocinia adversatur & rejicit, tanquàm corruptarum & prurientium aurium non satis castum delinimentum.

Prudentissimi deniq;, quiq; incorruptissimè judicant, sic sentiunt: Iesuitas suis hætenus argutis & concitatis scriptis eatenus saltem profecisse, ut Catholicos suos inflammatos concitaverint, partim verò Adversariam acuerint & obfirmaverint. Ut sic bellum illud religiosum, quo ceu Cause quodam Europa adhuc amburitur, tanto periculosius exarserit, quemadmodum nostris ipsimet oculis cernimus,

Quod

Quod autem de Barbarorum in utraq; India conversione pro Iesuitis adducitur, illud ex ijs locis petitum est, ex quibus aliquis non solum verum dicere, sed etiam securè mentiri possit: In Polonia præsertim & in illa explorationis difficultate, postquam Castilienses & Lusitani nullum extraneum in illas regiones admittunt: Ideoq; his nihil aliud quàm vulgatum illud respondeo: En Rhodus. En saltus.

De hæreticorum in terris conversione rem non prorsus Iesuitarum nego, ut de qua oculorum aspectus testetur. Opus tamen ipsum aurea & ar- non tam doctrinæ Iesuiticæ extraordinariæ virtuti, quam argentea argumentorum aureorum & argenteorum ponderi ascribendum ^{menta.} censeo, quibus ferè utuntur, quorumq; perennem copiam eis Ecclesiæ Romanæ favor, Aulæq; Polonicæ jucundus calor sufficit: Inter quæ tamen hæc inter nos quandoq; vitrea concurrunt, pro quibus alibi in vicinia ferrea substituunt. Quod genus Conversionis Paulus Apostolus haud dubiè Eversionem seu potius Corruptionem dixisset.

Ad rerum Muscoviticarum successus quod attinet, illi re vera nobis hætenus non citra fastum ostentati sunt: quorum etiam præcox spes gentem Iesuiticam ad eum modum inflavit, ut omnia sibi deinceps contra Clerum, Nobilitatem & quoscunq; alios licere putaret. Qualia verò nunc ex ijs locis per repetitos nuncios afferantur, nemini hodie ignotum esse arbitror. Iesuitas tamen videmus & audimus omni narrationi acerrimè contradicere, quod ipsum indicio est, rem ipsorum ibi actam esse, & adhuc agi, ut quicumq; tandem eventus (urina bonus) secuturus sit, non alijs principaliter eum quàm ipsismet imputare possimus. Quale autem meo ab initio, quamprimum consiliorum istorum aliquid in vulgus emanavit, de molitionibus illis iudicium fuerit, multis magni nominis Viris, quibus cum sermonem ea de re contuli, notum esse scio. Ipsi nempe cau-

F 3

sa in

sa in genere melius fundamentum optabam. Deinde rem per se periculi plenam esse aperte profitebar, Horatianum illud de Conatibus hisce subinde usurpans:

& arma
Nondum expiatis uncta cruoribus
Periculofum plenum opus aleæ
Tractas & incedis per ignes
Suppositas cineri doloso.

Deniq; sic prae me semper tuli, si Jesuitæ negotio huic se immiscerent, nullum ejus bonum eventum expectandum, hos enim omnia turbaturos. Et si res felicissimè cadat, Imperium illud ab ipsis perturbatum, & motibus intestinis repletum iri, qui nobis fortassis tempore non æquissimo negotium facessere possent, quemadmodum in Suecia nobis non ita dudum accidit. Quàm verus autem aut falsus in his omnibus fuerim, utcunq; rei istius famâ hætenus studiosè tamen supprimatur, ipsum tēpus aliquando revelabit. Audio nunt quosdam multisantes Patres Societatis Jesu in ipsam etiam Persiam penetrasse, & nescio quem insperatum Regis istius favorem experiri. Quod si verum est, nemo ambigat, quin hoc etiam Imperium, per quod hætenus Otomanidis à tergo securis injicitur, turbaturi & factionibus repleturi sint, ut Turcis hac ratione respirandi suiq; recolligendi spacium præbeant.

Jesuitæ Iu-
ventutis in-
stituendæ ar-
tificiosissimi
Magistri.

Religionis conservatrici propagationi subjungitur Instituendæ Iuventutis nescio quod occultum & exoticum artificium. Propter quod Respub. (: si utiq; Ecclesiæ jacturam hanc negligere possit :) Jesuitarum operâ carere nullo modo queat: Et hic prætextus superioribus æstimationis pōdere non multum cedit, cujus tamen Vanitatem Viri in omni disciplinarum genere exercitissimi, qui Romano Catholicam religionem publicè profitentur & defendunt, jam dudum Orbi demon-

demonstrarunt: Rationibus firmissimè evidentè ostendentes, Jesuitas primum & Jesuitarum institutum bonis literis & earum reflorescenti splendori plus officisse, quàm ut easdem promoverint; Ostendentes insuper disciplinam Jesuiticam meram corruptelam esse ingeniorum: quorum videlicet aciem retundat, & pro eo, quod illa liberali institutione informare & excitare debebat, quendam eis potius stuporem inducat. Et si autem probè sciam, quàm hoc etiam multis proorsus incredibile videatur, ego tamen aliquot hic præstantissimorum Virorum testimonia proferre possem, eorum inquam, quorum nonnulli in præcipuis hodie Reipub. officijs versantur. Quos non semel conquerentes audiivi, se coactas esse Jesuiticæ institutionis vitia aut peregrinando corrigere, aut eadem, postquam jã ad Rempub. animum applicaverunt, ipso rerum usu dediscere. Quorum judicio experientia ipsa adstipulatur, cum constet inter ipsos hæreticos, quos hæc secta nempe à nobis pro talibus tractari & haberi vult, Viros inveniri in omni disciplinarum genere exercitatos, qui ad omnia Reipub. munia obeunda idonei essent, nisi invidia eos premeret: et si Jesuitica Institutione nullo unquam tempore usi sint. Quomocunq; tamen hæc se habeant, illud apud me fixum manet, si quæ Jesuitis hac in parte ab aliquibus tribuuntur omnia verissima essent, & ipsi in Poloniam nostram alteras Athenas importassent, illud tamen minus vile præcium esse æstimandum, pro patria libertate, quam pro hac operâ licitatur; Cum præsertim eruditæ doctrinæ fructus aliunde non minus commode quàm à Jesuitis habere possumus.

His tertio loco à nonnullis subjungitur: Jesuitas homines esse actuales, quorum in rebus arduis expedendis magna sit dexteritas, eximia fides &c. Multis hoc in ore est, qui pro Jesuitis nituntur, quos equidem admirari soleo siquidem sub hac Actualitate, ut eandem quam molliissimè inter-

Jesuitæ actu-
ales.

interpretantur, aliud nihil quam civilem quandam industriam in expediendis negotijs poterimus intelligere, qualis scilicet in Aulicis ministerijs præcipuè requiritur. Sed Jesuitæ hætenus nihil minus videri volunt, quam quod secularibus negotijs se immisceant, aut eorundem tractandorum periti sint. Ideoq; eos, qui tale quid de se spargunt aut credunt, vel pro apertis Hæreticis vel PseudoCatholicis haberi jubent. Itaq; videant qui eos hoc nomine tantopere commendant, ut eos propterea retinendos censeant, qua ratione hæc inter se concilient.

Ego interim Poloniæ milites potius & Aulicos, mihi verò Servitores Actuales, Ecclesiæ autem Monachos & Religiosos, pios, doctos, & devotos opto. Veruntamen, si, quod res est, fateri volumus Epitheton hoc Jesuitis nimis verè competit, de quo totus Orbis, imprimis tamen Europa adeò luculenter testatur; Et nos etiam hætenus Actualitatem eorum ita sumus experti, ut si inter nos ad hunc modum diu pergere debeant, de illis Comicum illud rectè usurpari possimus: Quod si annitantur, ex unis nuptijs geminas nobis effecturi sint, duplicato nimirum, quo in præsentia urgemur, infortunio.

Sed quid putabimus Augustinum reliquosq; istorum temporũ Patres de ejusmodi Actualibus Monachis fuisse dicturos? Aut quis etiam in secularibus negotijs tam demens fuit, ut in seruo nequam veteratoriam calliditatem laudaret, aut exploratoris exteri solertiam ita commendaret, ut eum propterea sibi fovendum existimasset? Vos igitur Proceres hæc scire velim, ingenio præstante & versatili nihil perniciosius est

Notate benè se, si vires suas ad res malas applicet. Ideoq; hanc ipsam Jesuitarum Actualitatem egomet inter justissimas metus nostritarum actualium causas refero, quæ nobis veterum excutere, nosq; ad seriam rerum nostratarum curam excitare debent.

Illud

Illud autem quod de expediendi dexteritate adijcitur, testimonio destituitur. Quid enim egregij natio hæc inter nos præstitit, quidve tam dextrè expedivit, aut quod potius bonum nõ impedivit? Nisi fortè amissam Sueciam, devastatam Livoniam, afflictam Galliam, tentatã Scotiam, Anglicas conspirationes, & tot nobilium hominum tragicum interitum, Venetianas practicas, Moscoviticæ turbas, perturbatam Vngariam, oppressam Styriam, Carinthiam, Carniolam, & quæ hætenus in Polonia, ediderunt aulica Progymnasmata, pro Jesuiticæ dexteritatis operibus nobis sint habenda? At res quidem arduas aggrediendas & invadendas satis adhuc audax est hæc secta; audaciæ verò illius eventus is hætenus ubiq; sequitur, ut turbæ maxima ab illis excitentur: tales nimirum quales citra infiniti ferè sanguinis effusionem adhuc nec fisci nec sedari potuerunt.

Quem igitur hæc agendi dexteritas delectat, is videat & provideat, ne quid Respub. Jesuiticæ detrimenti in Polonia capiat. Nec id quod de illorum eximia fide prædicatur, certioris fidei est: Quod tamen illis fortè persuaderi poterit, qui vel Jesuitarum arcanas designationes prorsus ignorant, vel quibus illi alias os ita oblinunt, ut propter certas causas ad eorum palatum omnia dicant & faciant: Quod si tamen aliquis Iesuiticæ fidei Iesuiticam verbis extollere velit, dico eam, quanta quædes Poloniæ ta est, totam exteris & citra ullum boni Polonici respectum, inutilis, additam esse, & arctissimè obligatam: Hujusmodi inquam exteris, qui etsi corpore à nobis absunt, Consiliis tamen & occultis machinationibus nimium interdum inter nos familiariter conversantur. Cum his ergo si nobis fortè aliqua controversia incidat, ecquid illi nobis de Jesuitarum fide polliceri poterunt? An non verò in Gallis, Anglia, Scotia, Vngaria, Venetiis, satis jam conspicua fidelitatis suæ documenta in publicum ediderunt, si ad nostratiam utiq; cæcurimus? Et quid in re

G

mani-

NB. NB.
Iesuitarum
in rebus tur-
bandis (expe-
diendis dice-
cere volebã)
dexteritas.

manifestâ verbis opus est, cum nulla hodiè Europa Christiane natio sit, quæ non de Iesuitarum perfidiâ, aut saltem perfidiæ suggestione & excusatione conqueratur, si unam Hispaniam excipias.

His deniq; à nonnullis additur: Inconueniens esse, ut Iesuitas Poloni expellant, cum Galli, qui propter longè graviores causas eos eiecerant, eosdem revocaverint, ubi etiam citra ullum Reipub. incommodum iuvant, &c.

Ego verò novi Iesuitas in Galliam reversos esse, sed quod à Galliis revocati fuerint, ne ipsi quidem, quamvis multa dicant, facile dicturi sunt. Interim verò artes, quibus se in Galliis denuò insinuarunt, tales sunt, ut propter illas ipsas ejectionem eorum inter nos maturandam existimem. Ex illis enim liquidissimè perspicitur, quantum hic genius intra Europam, in versando & circumagendo rerum Civilium cardine polleat. Hoc enim sciendum, Iesuitas in Galliam non propter aliquem eorum usum, quo Regnum illud carere non posset, receptos esse: sed ad vehementissimam summi Pontificis instantiam: Quem videlicet Rex in tam infida cum vicino potentissimo pace offensum volebat: Cui tamen serium Catholicismi studium vix probaturus erat, quamdiu Iesuitas Regno arceret. Interea ne illud quidem dubium est, Eos, qui summo Pontifici in illa restitutione promovenda operam suam apud Regem præstiterunt, majora Romæ præmia consecuturos esse, quam omnes, quicunq; hætenus Reipub. militarunt: Quamvis non desint qui existiment Henricum IV. hac etiam ratione securitati suæ cōsulere voluisse, quod aliàs à Iesuitarum ejectorum insidijs nunquam tutus esset futurus. Quod autem hætenus pacatè dicuntur vivere, id si verum est, admirationem meretur, quantumvis causas gravissimas habeant, cur se in tam recenti ante a-

Florū memoria ad tempus cohibeant, sub illius præsertim Regis im-

Iesuitæ cur
in Gallia pa-
catè vivant.

gis imperio cuius auctoritatem, quam sibi rebus gestis comparavit, non immeritò verentur & metuunt. Quid autem futurum sit, si præsentis rerum Gallicarum capiti aliquid humani accideret, rerumq; administratio, ut antehac factum meminimus, ad minores hæredes devolveretur, facile erit divinare.

Cum verendum sit, Galliam tum commissi in recipiendis Iesuitis erroris effectum cum suo magno malo sensuram. Nos vero hætenus causa nulla per DEI gratiam urget, ut Gallo- rum similes facti tam ambigui jactus aleam subeamus.

Hæc ferè pro Iesuitis ab ijs afferuntur, qui persuasi sunt nec Remp. nec Ecclesiam gentis istius operâ commodè carere posse. Præter quos etiam alij sunt, qui etsi Iesuitarum acta omnium miminè probent, in eosdem tamen nil gravius statui patiuntur, quod hoc citra maxima Reipub. incommoda ne tentari quidem posse existiment.

Itane Fratres res nobis jam cò redierit, ut aut Iesuita Iesuitarum & Iesuitismus tolerandi, omnesq; illorum machinationes cum religioso modo tam præsentis Reipub. periculo perpetiendæ sint, aut extremū destitæ parum rerum discrimen adeundum? Vbi ergò tunc manebunt illa fidendum. Ordinis istius elogia, quibus ab initio nobis commendati sunt? Quod homines sint innocētissimi, pacifici quod spiritualibus cōtemplationibus toti addicti, in quibus Poloni huiusmodi prorsus Clericos habituri sint, quales jam dudum desideraverint? Ab his ergò talibus ecquid nobis timendum erit?

Ego tamen jam dudum novi, Bilem hanc citra molestiam ex Reipub. corpore nunquam evacuatam iri, postquam jam nostrâ incuriâ ad viscera tam altè penetravit, ipsasq; præcipuè vitales partes tam arctè obsedit. Existimo tamen periculum aliquantò minus futurum, quam pleriq; sibi imaginentur.

Quæ enim incommoda nobis narrant, quæ Iesuitarum expulsi-

Incommoda quae Iesuitarum expulsiōnem securura sint.
 pulsiōnem securura sint? **Sunt** Pontifex, inquit, & Hispanus, gravissimè offenduntur. Magna profectò numina, quorum ~~ira~~ ira nobis haud leviter aestimanda est? Quid enim de Polonia futurum existimabimus, si Saturnum & Iovem Europaeum tam malè dispositos habeat? Ego verò hec servi illius Comici expostulatione uti possem: Possum nescire, quot mihi hec Domini perferendi sunt?

Ne tamen nimis alicui confidens & securus videar, de utroq; aliquid dicendum erit.

S. Pontificis offensus.

Ad Pontificis itaq; offensionem quod attinet, de ea quidè nullus dubito, quin nimis cerè securura sit, agnosco etiam eam nobis formidandam esse. Cum verò à Iesuitis longè graviora cogamur metuere, existimo hanc indignationem Polonis non nimium pertimescendam. Spero etiam ad eandem avertendam legitima media nobis non esse defutura. S. enim Pontifex aut bonus est & talis, qui memor sui officij, Regni Poloniae, aequè ac omnium aliorum Christianorum regnorum opimum statum promotum ac conservatum cupiat. Cum tali itaq; sperandum esset nobis facile conventurum, si nempe missis legatis ei ad oculum demonstraverimus Rem Polonicam, nec cum Iesuitis, nec cum Iesuitarum hactenus usitatis artibus, consistere potuisse. Nec dubito, quin is tempori cessurus, Reipub. facile remissurus sit. Aut idem malus talisq; est, qui suae tantum libidini, citra ullum Reipub. aut aequitatis respectum indulgeat, omniaq; prius sursum deorsum ferri patiat, quàm ut quod malè ceptum est, corrigi sustineat: Tum verò iram ejus ne curandam quidem existimo: Neque enim ulla vel divina vel humana Lex Polonos obligat, ut aut suum ipsi periculum sibi scientes accersant, aut Summi Pontificis injuste sibiq; praesudiciali voluntati, se per omnia conforment.

Qua in re si meum alicui Iudicium suspectum esset, Majorum

rum exemplis erudiri se patiat, ut cogitet, quid ipsi in simili casu fecerint. Cui enim ignotum est, quanta animorum contentione Romani Pontifices olim Crucigeros contra Regnum Poloniae defendendos susceperint, quàm atrocia Regibus nostris plerumq; minitanti sint; Resq; tandem eò processit, ut circa annum 1456. si Aeneae Sylvij Epistolis credimus, Roma excommunicatio contra Regem Regnumq; Poloniae decretata fuerit. Neq; tamen hisce minis, quamvis ipsius etiam Imperatoris Friderici III. indignatio eas acueret, ad eum modum perterriti se passi sunt Majores nostri, ut nō potiore salutis Reipub. quàm indignationis Pontificiae respectum habuerint. Ovū autem ovo tam simile nunquam esse poterit, quàm benè Iesuitarum institutum, mores & actiones cum Crucigerorum ordine rebusq; gestis conveniunt.

Nam ortus ratio & occasio ferè eadem utrobique fuit: Vtrumq; institutum ad unum eundemq; finem, per diversa saltem media, fuit directum: Forma Politiae exceptis paucis Circūstantiis eadem fuit: Vterq; ordo progressus longè celerrimos fecit dilatataq; per eos Christiana Religio & imperij laudem tulit: Vterq; tandem à seipso ita degeneravit, ut ijs, pro quorum defensione instituti fuerant, graves & molesti esse ceperint.

Differentia saltem in eo consistebat, quod Crucigeri professione milites erant, remq; apertis armis contra Majores nostros gererent, quorum legitima remedia Polonis nunquam deerant:

Hoc verò malum intra viscera nostra haerens ijs artibus nos oppugnat, quarum Polonia ante hac prorsus imperita fuit. Quae res facit, ut existimem, eos nova illius Sectae institutum omnium rectissimè aestimare, qui Iesuitas Crucigerorum spurios dicunt. Cum itaq; Majoribus nostris olim nec indignatio nec autoritas obstiterit, quo minus Crucigerorum injurias

Majores olim nostri Reipub. salute nihil antiquius habere.

Iesuitae Crucigerorum spurij.

rias acerrime vindicarent, regnum tuerentur. Cur in simili casu hujusmodi spectris nos terreri patiamur? Sin tamen hæc alicui forte nimis antiqua viderentur, illi recentius exemplum habent, quod Avorum memoriâ accidit.

Albertus
Brandenburgicus.

Sigismundus I, quem inter optimos suos Reges Poloniae non immerito recenset, quem etiam Romana sedes adhuc pro gemino obædientiæ filio agnoscit & prædicat, Albertum Brandenburgicum cum ditione Borussia in fidem ac clientelam suam recepit tum, quando propter abdicatum Crucigerorum Ordinem, & desertam Religionem Romanam non solum à Pontifice, sed ad hujus instinctum ab imperio Romano sub potentissimo Imperatore Carolo V. excommunicatus & proscriptus erat. Aula tamen præcipuè Romana fremebat & indignabatur, quod tota Borussia hac ratione ab Ecclesia in utroq; foro abalienaretur. Nec Sigismundo parsura fuisset, si excommunicationis aliquem potentem executorem potuisset habere: Hic enim desiderabatur, quod tamen is usq; deq; tulit. Et quid ego de Regibus dico, cum nostra hæc ætas ejusdem magnanimitatis & egregiæ fidei illustre exemplum in ipso Regni primatæ habuerit? Fuit is Iacobus Vchansky Archiepiscopus Gnesnensis, cui, cum S. Pontifex Excommunicationis telum intentaret, quod animadverteret, eum in Consilijs publicis majorem salutis Patriæ, quam sedis Romanæ respectû habere; Is se adeò non passus est à proposito dimoveri, ut Pontifici potius rescripserit, se si pergeret ei Reipub. nomine molestiam exhibere, intentatum fulmen in ipsum retorsum. Quo responso ictus Pontifex Archiepiscopum missum fecit, ut qui nosset, hoc ei in Polonia facilius factu, quam dictu fuisse.

Cujusmodi libertatis Spiritum, si ex illius successoribus hodie sub hac inquam Jesuitica animorum dispositione, aliquis sibi usurpare præsumeret; Ecquid vos Proceres de eo futurum

rum putatis? Annon ille quantocyus ad Patres ire cogeretur? Hæc igitur masculæ Virtutis exempla, quoties in Majoribus nostris considero, toties admirari cogor, quæ res hodie, nostratum Prælatorum animos ita immutârunt, ut in multò levioribus casibus tantas sibi difficultates imaginentur. Dum interdum S. Pontificis nescio quæ Regalia allegant, quæ inviolata retineri volunt. Non aliter quàm si Polonia jam duos Reges haberet, unum Cracoviae, alterum Romæ. Dum etiam Exterorum offensiones sæpius ultra modum allegant & exaggerant, Reipub. se tam difficiles præbent. Quemadmodû jam aliquoties in deliberationibus de Moldavia, Walachia, & tandem etiam Transylvania fieri vidimus. Ideoq; sic tandem existimo: Eos qui à S. Pontificis offensione sibi tantopere metuunt, siquidem Jesuita pauò durius tractari deberent, eo ipso satis demonstrare, quàm frigidè erga Reipub. affecti sint, & suspicionem de se non exiguam præbere, quod privata commoda illis Patriæ salute potiora sint. Quales si Majores nostri fuissent, Borussia à nobis hodiè carendum, & in hanc usq; diem cum Crucigeris colluctandum esset. Sed & hanc scrupulosam in hoc Ordine conscientiam, nulli rei hodie, quam Jesuiticæ, de qua dictum est, dispositioni debemus.

Vbi tamen mirari cogor, quid hi, qui eis hac in parte eatenus astipulantur, ut S. Pontificem nulla jure offendi patiantur, posteritati aliquando responderi velint, si nempe illa ex nostrorum temporum historia resciscat, Reipub. Venetam propter repetitas à Pontifice aliquas Ducatus Ferrariensis particulas, & propter improbatas quasdam non maximi momenti Constitutiones, pro libertatis suæ defensione Jesuitas ex Dominio suo universo expulisse, & intentatam propterea S. Pontificis Excommunicationem, usq; ad aperti belli periculum contempsisse: Cum interim Majores sui in Polonia libertatis a-

Clerus Polonicus à Jesuitis corruptus.

Quod

NB,

Quod si etiam in hisce rebus nos ad eum modum à summi Pontificis arbitrio patiemur suspēdi, Polonorum conditio multò decerior, adde & servilior erit futura, quam ipsorum Moscorum: qui in consiliis publicis nulla alia quàm ipsius Principis Reipublicæ Regalia respiciunt & attendunt.

Hispani offensa quanti Poloni in hoc casu aestimanda.

Ad Hispanum quod attinet, Ego non video, quæ ei justa offensionis causa à nobis præbeatur, si nos nostræ Reip. pro nostrarum rerum exigentia, pro virili studeamus consulere citra ullum eius præjudicium? Cur etiam illum magis offendat, quòd nos Jesuitas expellimus, quàm nos hactenus offendit, quòd ipse Eos, ut sibi commodos, tam indulgenter fovet? Quid si verò Rex Hispaniæ Rex Poloniæ audire veller (quod equidem quo minus ad libitum consequatur, per Jesuitas non stabit) num ad cavendum eius indignationem hoc ei concedendum esset? Si deniq; eò nos demiserimus, ut domi nobis nihil agere aut tentare liceat, nisi quod Aureo Velleri probetur, eamquam Rempub. in Polonia habituri sumus?

Verum hic nonnulli adhuc pergunt excipere: Iniquum esse, ut Jesuitæ, inter quos non pauci Nobiles sunt, nec auditi, nec legitime convicti regno expellantur: Itaq; eos in jus vocari prius, causamq; cognosci volunt &c. Et hoc aliquid, quod dicitur, quodq; apud omnes bonos justiq; ac æquitatis amantes tantò plus meritò valere deberet, quantò multorum hodie in torquendo corrumpendoq; jure audacia magis conspicua est. Hic tamen exceptio illa locum habere nequit, propter causas, quæ sequuntur:

Primum enim in iis, quæ Reipub. salutem concernunt, non semper necesse est Ordinarium Juris Processum tam superstitiosè observare, quàm pacata Repub. fieri consuevit: quando videlicet Reipub. status hujusmodi præsentem opem flagitat, ut periculum in morà futurum esset.

Deni-

Deinde hic non in certas personas agitur, aut de Facti alicujus Jure quaeritur, qualis nempe illa super Judæorū Bohemiensum scelere quaestio fuit, quæ hic pro exemplo adducitur: Sed hic de incommodis & detrimento Reip. quaeritur, quæ ei ex Jesuitarum instituto semper meruenda sunt, si personæ ipsæ puri Angeli essent. Hoc igitur qua ratione in jus vocabimus?

Tertiò scire velim, quod Forum Jesuitæ in Polonia, quem Iudicem agnoscant, cui ve juri se submittant, ex quo contra illos agi queat? Miror deniq; quem ampliore aliquis in Polonia Juris Processum desideraturus esset, quam si totius Equestris Ordinis Deputati publicè convenientes unanimiter decernant, Institutum Jesuiticum contra Rempub. Libertatemque Polonicam venire, eiusq; abrogationem à Regia Majestate flagitent? Qui inquam his suffragiis condemnatur, num is parum legitime condemnatus censēbitur?

Deniq; & hoc à nonnullis hic objicitur, Etiam domi & intra parietes multos offensum iri, cui aliqui adijciunt: Si Jesuitæ extra Regnum proferri debeant, etiam alios, & illos præcipuè Evāgelicorum ministros, unà exturbandos &c.

Ad prius quod attinet, de multorum intra domesticos parietes offensione, ego Primum nescio, quinam illi multi futuri sint, quorum offensionem nobis tam periculosam imaginari debeamus, si præsertim reliqui Cleri securitati caveretur? Cum enim hec nihil aliud, quàm salus Reipub. eiusq; in longum pro-
 pagatio queratur, nemo hinc tumultuandi occasionem habere poterit, nisi forte fortunas suas cum Jesuitis ita conjunxerit, ut cadentibus illis ipse stare nequeat. Et hi ferè illi sunt, qui Quibus ferè Jesuitarum expulsio omnium ingratissima sit.

Et quamvis verendum est, eorum plures esse, quàm expediat, ne horum tamen offensio nobis perinde

H

aesti-

56.
estimanda est: Cum nemo dubitet, quin honorum Civium, qui Rempub. salvam cupiunt, multò major pars in omnibus Regni partibus futura sit.

Sed esto, ut hęc fortè nobis aliquid molestiæ sustinèdum esset, nùm propterea Medicinam respuemus? Quæ purgatio ægroto unquam tam feliciter cessit, ut non aliquid ex illius operatione torminum senserit? Quod si Jesuitarum expulsionem illos fatales tumultus avertere & præcavere possimus, qui hætenus plerasq; Europæas Provincias tam duriter afflixerunt, quo de egomet planè sum persasus; Resnè digna censebitur, propter quam etiam commodi aliquid patiamur? Si publica Libertati, si regno nihil periculi est, si privatorum corpora & fortuna in tuto sunt, ecquid tumultuamur? Cur exterorum insidias & conspirationes metuemus? Sin verò hæc omnia nobis ita imminet, ut Jesuitarum si non principales Autores perniciosos saltem Actores, Promotores & Internuncios noverimus, ecquid amplius cunctabimur?

Inprimis
pacis publicæ
perturbatori-
bus nõ perso-
næ sed factū
respiciendum.

Ad alios verò Evangelicorum præsertim ministros quod attinet, si in eadem turbata & oppugnata pacis publicæ cum Jesuitis hærent, nil equidem causæ, quo minus & illi, & quicumq; crimini huic quocunq; modo affines deprehendantur, cum eis expellantur. In suspitione enim turbata Rempub. neminem quodcunq; vitæ genus rueri potest, aut eidem patrocinari debet.

Ministorum
Evangelico-
rum intra re-
gnū conditio.

Sed nunquid hæc res cum re, aut causa cum causa conferri poterit? Quemnam Pontificem aut Hispanum ministri illi intra aut extra Regnum habent, cui hunc agrum arant, aut serant, ad quem eis rebus hæc perditis perfugium pateat?

Quales etiam in Aula & circa Rempub. clavam illorum partes sunt, aut in æternum esse poterunt? aut quæ prædicia hi in detrimentum Nobilitatis cõmerunt? quas ve immunitates in frau-

57.
in fraudem Rempub. consecuti sunt? Et quæ etiam illorum vires sunt, propter quas Rempub. formidabiles aut saltem suspecti esse debeant? Quorum divitiæ ferè omnes in lacera & detrita ut plurimum Reverenda, ut nostrates loquuntur, & Bibliorum, adde si res lauta est, Augustini Codice, nudaq; & numerosa prole consistit.

Ipsi deniq; Evangelicorum Ministri, an non uniuscujusq; pagani Præsidi superioritatem agnoscere, eidemq; se sistere coguntur? Collatio itaq; hæc profus incepta, adde & ridicula est.

Sunt fortassis & alia, quæ pro Jesuitis ab illorum Fautoribus nobis obijci poterant, sed ea vix majoris momenti erunt, quàm quæ jam allata sunt. Ideoq; hæc sufficient, ex quibus reliqua facile dijudicare poteritis.

Ex his ergò, quæ hætenus demonstrata sunt, firmiter concludo: ijs qui hoc tempore Remp. restitutam, sanatam & impofterum salvam esse cupiunt, si ordine procedere, si laborum suorum aliquem fructum sibi polliceri volunt, ante omnia operam esse dandam, ut Jesuitæ extra Regnum abigantur, sed ita ut abacti obdito pessulo à reditu prohibeantur.

NB. NB.

Expulsa autem & expugnata hac acri & ardente bile, Morbi nostratis paroxismus in genere & paulatim lenietur, Iesuitarum reliquæ partes affecta. Clerus præcipuè sanabilis, & tractabilior reddentur, poteritq; quod luxatum est, per ocium, citra gravioris alicujus symptomatis metum curari & restitui. Expulsionis
Iesuitarum
qualis effe-
ctus speran-
dus.

Quamdiu verò hic incendij febrilis fomes intra Rempub. viscera retinebitur, nulla nobis salutis & securitatis spes relinquetur. Quodcunq; enim machinabimur, quibuscunq; emplasmatis vulnera ligare & obducere studebimus, opera & oleum nobis peribunt. Malumq; in hac Corporis Polonici Cacochymia, ad levissimam quamq; occasionem recrudescet. Neg, enim

H 2

Iesui-

Iesuita licet omnia cetera sanentur ad Regni Polonia Legumq; Polonicarum similitudinem in aeternum reducentur, aut illa sub hoc, qui adhuc qualitercunq; durat, statu probent.

Particularis purgatio quomodo secundum nonnullos instituentur. *Ideoq; ne eos quidem audiendos censeo, qui ut res minus infidiosa sit, non universalem purgationem censent instituendam, sed partes tantum bilis istius detractionem, & imminutionem faciendam putant: Verbi gratia.*

Sunt, qui eos tantum extra Regnum propellendos existimant, qui vel clandestinarum machinationum contra Regnum cooperatores, aut saltem conscij fuisse deprehenduntur, vel quorum seditiosus fervor publicae paci praecipue periculosus censetur. Sunt qui hanc Iesuitismi diminutionem a locis incipientem suadent. Ut nempe ex primarijs Regni Urbibus, aut ubicunq; ab eis Republicae insigne aliquod periculum metuendum esset, removeantur. Sunt deniq; qui putant, publicae securitati sufficienter prospectum iri, si latius legibus intra arctiores carceres redigantur. Haec igitur Consilia paucis discuriamus.

De his primum in genere sic dico: Cum quacunq; Iesuitarum offensione, si ve eos in universum expellamus si ve audaciam illorum ad certam quotam restringamus, Pontificiae indignationis invidiam nobis ex aequo metuendam esse: quam tamen pleriq; omnium maximè cavendam censent.

Particularis expurgationis incommoda. *Hoc saltem discriminis erit, ut si partem aliquam Iesuitismi intra viscera retinuerimus, tanto plus nobis periculi ab eodem Pontifice futurum sit. Cum igitur cum particulari offensione tantundem difficultatis subeundum sit, quantum cum totali expurgatione, cur non hanc ut utilissimam & certissimam preferemus? Imò hanc ergò omnibus hic ceu maximam praescribo. Iesuitas facilius ex Regno expulsū, quam intra Regnum in ordinem redactum iri.*

NB.

Dico

Dico amplius, eos vehementer errare, qui sperant Bilem hanc ita cautè posse moveri, ut non proxime exardescat & exasperetur. Et ut non omnes vindictae occasiones studiosissimè conquisituri sint, quodcuq; fortè ad tempus, propter praesentem necessitatem simulent:

Quae occasiones intra & extra Regnum ingenijs istis nunquam defuturae sunt. Quod si ergò resumptis aliquando animis & viribus, denuò aliquid, & fortè periculosius quiddam moliantur, quid tū factū opus erit? Num quot annis in Iesuitarū gratiam Generalem Rolcoſt celebrabimus?

Deinde in specie ijs, qui nocentissimum quemq; ex Iesuitis exterminandum censent, responde: Nec causam nec culpam earum rerum, quarum Iesuita insimulantur, ita partiri & separari posse, ut altero alter mitius aut durius tractandus sit. Sic enim jam ostensum est, Sectam hanc tam arctè inter se compactam esse, ut totum corpus, & cum hoc omnia eius individua membra, in harum praecipue rerum praxi, de quibus nobis sermo est, in unum conspirent, & ad unum scopum mente, corpore fortunisque ferantur.

Iesuitarum omnium aequalis culpa.

In una itaq; eademq; culpa omnes aequaliter haerent: differentia, si quae est, in ingeniosarum saltem virium inaequalitate consistit, ut quod unus aut alter fecit, omnes facturi fuerint, si vires aut occasio non defuissent. Nec credo auditum esse, ut Iesuita aliquis a tribulibus suis, ob quodcuq; etiam detestandum facinus publicè damnatus, aut etiam reprehensus sit.

In hoc enim genere non peccant, dummodò facinoris perpetratio in illum finem dirigatur, quem Iesuitis in specie propositum esse ostendimus.

Quod autem de nonnullorum seditioso fervore affertur, illud per se speciosum est: Ego tamen sic existimo illos nondum pessimos, aut etiam Reipub. periculosissimos esse, qui Polna-

H 3

nia,

Iesuitarum
studia que
nocentissima.

nia, Cracoviae &c. nullo prorsus habito respectu S. Mtis. Reg. presentia aedes exurunt, Cæmeteria invadunt, sepulcorum corpora refossa immaniter violant: (contra hanc enim rabiem, licet in hunc usq. diem impunita manserit, vel tandem remedium aliquod invenietur) sed illas potius vulpeculas nobis observandas censeo, quæ per sudetas, montes Alpiumq. juga hinc inde commeantes, Exoticarum artium Spiritum ferunt & perferunt. Deniq. remedium hoc, si tam benè caderet, ut nocentissimi qui sunt, exterminaretur, nos tamen, saltem ad tempus relevaret, tam diu nimirum, donec his alij septuplo peiores submitterentur. Num verò hoc satis justum operæ precium censeari debebit? illius inquam operæ, quam Reip. tantis sumptibus, tanta Nobilitatis defatigatione, nec sine nostro periculo præstare conamur.

Qui verò eos ex Aula & primarijs Regni urbibus expellendos suadent, illi quidem aliquantò fortius consulere videntur, sed non multò plus, quàm priores proficiunt. Videntur quidem certas Reipub. partes nonnihil sublevari, videntur etiam Jesuitis præcipuè nocendi occasiones ea ratione præcidi. Egoq. jam dudum ita persuasus sum, Nullum gravius in Rempub. peccatum à nobis commissum esse, quàm quod Jesuitis in hisce regni arcibus, ad expediendas suas machinas tantum spacij concessimus. Id quod fortè tum demum sensuri sumus, si aliquid fortassis periculi, à Meridie & Occidente nobis ingrueret.

secundi con-
siliij absurdi-
tates.

Hæc tamen admirari cogor, quibus rationibus Consilij hujus auctores ducantur, quod in Reip. curatione potiore Urbium quàm Equestri Ordinis, ipsiusq. adeò Cleri respectum habeant? Itaq. eos libenter interrogarem, quid putent singularis auxiliij ad Remp. rediturum, si primariæ Regni Civitates exonerentur, & pestis hæc interim liberè in Nobilitatem grassetur? siq. peregrinismo huic liceat reliqui Cleri animos continenter sollicitare, & in transversum agere? Ecquam illi tum re-
bus

bus nostris spem securitatis faciant? Hi ergo in eo periculosè falluntur, quod existimant Malum Jesuiticum intra Urbium ædificia contineri, ut ibidè saltem, aut tantè potissimum Reip. noceat. Cum hæc primum ipsius Aula, ut ostensum est, deinde publica animorum pestis sit, à quo Nobilitati & Clero & per hos demum Reipub. præcipuè metuendum sit. Quin immò, dum Jesuitas in univèrsam extra Regnum propellendos suadeo, in eo Cleri Polonici quàm maximum respectum habeo, cujus excessus non aliter quàm bilis hujus ferventis subtractione corrigi posse existimo.

Propter Cle-
rum Iesuitæ
præcipuè sunt
expellendi.

Ex his ergò iterum perspicitur, ne hujus quidem Consilij eum inter nos effectum sperandum esse, quo nobis ad res nostras componendas & firmandas opus esset.

Restant ij, qui Jesuitas non solum ex Aula removendos, & ex Urbibus expellendos, sed etiam lætis legibus intra Monachorum claustra redigendos, & Ordinariorum juris dictioni, (hoc enim à nonnullis additur) subijciendos consulunt.

Videntur & hi aliquantò longius progredi, quibus ego ad vitandam majorem invidiam omninò parendum suaderem, si ulla saltem consilio huic spes subesset: sed hanc sequentia mihi in univèrsam præcidunt.

Primum Iesuitas ita animatos esse certò novi, & omnia Tertij Consilij vix ullus
potius moturi, omnia turbaturi sint, quàm ut splendore & ex-
stimationis illius, qua ipsorū Ordo hætenus supra reliquos Re-
ligiosorum Ordines, ipsumq. Clerum univèrsam eminet, vel mi-
nimam jacturam subeant. Jesuita autem si ex Aula exclu-
datur, si in versando Reip. clavo non omnibus alijs præpelle-
at, si à publico ita arceatur, ut claustro inclusus, alium, quàm
propriam militiæ suæ Ducem superiorem agnoscere cogatur, si
deniq. omnium arcanorum explorandorum occasio ei adima-
tur, à summo ad infima sibi redactus videbitur, ut qui jam nil
ampli-

amplius quam vulgaris Monachus futurus sit. Quod dedecus Gens ista non mitiori indignationis affectu avertatur, quam si nobilis aliquis Regniq; dignitarius subito in abjectissima plebis censum de crudatur. Caelum itaq; potius ruere patientur, quam ut hanc in se ignominiam admittant.

Esto tamen, ut hec eos patientiores offendamus, quam ego sperem, quæro igitur secundo loco, quibus vinculis eos constricturi simus? Certis legibus, inquit, publicisq; Constitutionibus. Bene dicis, egoq; fateor hæc justa esse in Foro politico coercendæ libidinis media, quantumvis hætenus per illa non pro spe profecerimus.

Iesuitismi inclusi anceps & periculosa custodia.

Verum hæc ulterius querere cogor, Eccui hujusmodi legum & Constitutionum, si quæ facta erunt, executionem commendaturi simus? Ordinarius locorum, respondebis. Ego verò agnosco ad ipsos munus hoc ex regni Legibus spectare, sed quid, si ipsi tam odiosam Provinciam recipere nolint, aut excommunicationis Pontificiæ metu non ausint? Veruntamen si ve recipiant, si ve repudient, ne sic quidem Reipub. securitati prospicietur.

Primum enim antiqua illa disciplina Severitas apud nos hodie multum remisit, qua apud Romanos olim parentes de liberis, si fortè in Rempub. peccassent, supplicia sumebant: Verendumq; propterea erit, ne optimo cuiq; ex hoc Ordine, & qui alias in Rempub. rectè affectus est, illud in hac custodia vel imprudenti accidat, quod vir ille DEI 3. Reg. 20. in historia Achabi sibi evenisse fingit, ut dum ipse aliis rebus intentus est, captivus, cujus custodiam suscepit, aufugerit.

Deinde, Experientia testatur, Ordinarios locorum hætenus magis Iesuitis parere & obnoxius esse, quam quod hi illorum auctoritatem aut jurisdictionem multum curent.

Quin

Quin imò hi pro Episcoporum Pedagogy se gerunt, quos etiam ut Aula Rom: Coricaos metuere & observare cogunt. Qualem ergo coërcitionem ab illis expectare poterimus?

Tertiò sic dico, quodcumq; de his omnibus fiat, nos tamen contra Sectam hanc Legibus nostris nil profecturos, in quo me experientia ipsa jam erudit. Quid enim? Confœderatio publica, an non Lex est; an Constitutio est, an Polonorum jus est, publicis Regis & Nobilitatis Juramentis sancitum & confirmatum? Sed quid per hanc eandem hætenus contra hanc pestem Politicam perfecimus? An non rabies ista per hoc efficacissimum (sic quidem majoribus nostris videbatur) remedium irritata potius est quam cobibita? Quam petulanti lingua styloq; satyrico livor iste hoc salutare institutum incescit, deridet & exsibilat? Si tam laxum & molle capistrum Daemon iste, adeò impatienter fert, qua ratione arctius duriusve quiddam feret? Cumq; hoc isti Confœderationis publicæ Constitutioni faciant, per quam Iesuitismus propriè nõ læditur, ecquid de illis fiet, quas in perniciem suam factas recordabuntur.

Confœderatio quam civili-ter hætenus a Iesuitis tractata.

Et quid tandem Iesuitis nos præscribere tentabimus, cum suis ipsimet constitutionibus, quæ contra hanc, de qua conquerimur, intemperiem ad speciem inter ipsosmet lætæ sunt, non pareant? Anno enim superioris seculi 93. Iesuitarum superiores cum animadvertent, suorum potissimum scelere jam fermè perditas, coacto Romæ Generali totius Ordinis Conventu, statuto sanxerunt: Patres Societatis Iesu cum omnibus, qui Ordini illi ascripti sunt, à causis & negotijs secularibus universum abstinere debere. Huic igitur decreto ecquomodo hætenus inter nos paruerunt?

Statutū Conventus Iesuitici.

Sic igitur etiam contra hos tandem concludo, consultius esse, ut tam fera bestia prorsus abdicetur, quam ut Cavea intra

I

intra domum inclusa, cum nostro perpetuae sollicitudinis cruciatu, custodiatur.

Morbi causa ita tollenda ut aggro e- riam contra recidivam p- spiciatur.
 Dixi autem Jesuitas non solum expellendos, sed etiam cõ-
 era reditum omnia diligenter præcavenda esse. Neq̃ enim ex-
 pulsi quiescant, ut non omnem lapidem moveant, quo ipsis re-
 dire liceat, ut sic hanc vestigi Jesuiticæ injectam maculam vi-
 cissim eluant. De quo nos Gallia admonere debet, in cujus
 Aula Jesuitarum absentium practica tantum potuerunt, ut cū
 excusati dentis in ore Regio lacuna resarciri nunquam posset.
 Jesuitæ tamen redamantibus, Parliamentis, & obnitente
 prudentissimo quoq̃ non solum restituti sint: sed etiam Pyra-
 mis illa perpetrati sceleris aeterna index fuerit demolita.

Hoc autem inter nos hac fortassis ratione omnium rectif-
 simè præcavebitur: si primum bona illorum immobilia in alios
 usus, ad publicam regni, præcipuè tamen Nobilitatis, cui ma-
 jor illorum pars detracta est, utilitatem convertantur.

Bonorum Je- suiticorum di- pensatio.
 Quod sic commodissimè fiat, si bonis literis consultum cu-
 pinus, quarum videlicet interitum plariq̃ sibi per Jesuitarum
 expulsionem imaginantur, detur opera, ut ex iisdem Cracovi-
 ensi Academia de viris bonis, doctis, & in omni disciplinarũ
 genere probè versatis extra ordinem prospiciatur: Aut si ita
 placet, præter hanc alia quoq̃ inter Regnum Academia in-
 stituatur.

Deindè alibi in Regno scholæ hinc inde aperiuntur, in
 quibus non solum eruditus Præceptoribus honesta stipendia
 constituantur, sed etiam pauperibus Scholasticis, ijs nempe,
 qui ingenijs valent, sed propter fortunæ tenuitatem literarum
 studia commodè persequi nequeunt, de victu & sustentatione
 provideatur. Idq̃ tanto majori cura, quod ex Nobilitate
 etiam omnibus temporibus inveniantur, qui hujusmodi studii-
 arum subsidijs opus habeant.

Et

Et hæc ego singulorum Districtuum in Regno seu Pu-
 blica Gymnasia esse vellem, Quorum cura & inspectio certis
 ex Nobilitate utriusq̃ Ordinis Viris & qualificatis personis
 commendari posset. Hoc si fieret, Juventuti nostræ, quæ in
 spem honorum & ad Reipub. ministeria educatur, cum pietate
 & bonis literis, Patriæ Legumq̃ Patriarum amor & reve-
 rentia à teneris implantaretur, & Reipub. de viris idoneis ad
 eum modum prospiceretur, ut eidem ab exterorum factionibus
 & insidiis minus periculi esset. Jesuitarum etiam expulsorum
 desiderium, si quod erit, intra paucos annos prorsus evanesce-
 ret & obliteraretur.

Tertiò si superest, ut omninò superfuturum puto, publi-
 ca ex eo Nosocomia instituantur pro illis, qui in bellis se pro
 Reipub. strenuè gesserint, & vel vulneribus debilitati sint, vel
 per atatem militiae labores non amplius perferre possunt &c.
 ut hæc militaris virtutis quasi asylo constituantur, ubi benè
 meritorum & emeritorum illa non turpis senectus honestè & li-
 beraliter sustentetur.

*Cujus sanctissimi et utilissimi instituti exempla in Urbibus
 Belgicis me videre memini.* Cujus etiam specimen nobis præ-
 buit laudatissima memoriæ Rēx Scephanus, quando V Wars-
 savia hujusmodi pro debilitatis militibus Xenodochium insti-
 tuit & dotavit; Acujus tamen præclara & planè Regia vo-
 luntate & intentione nimis citò recessum est.

Nec ego video quomodo Jesuitarum bona vel sanctius vel
 utilius collocari queant, ita nimirum, ut quæ semel pijs usibus
 destinata sunt, iisdem maneat, Et ipsius interim Nobilitatis
 damnum, quod à Jesuitis Jesuitarumq̃ artibus se accepisse
 queritur, aliquomodo resarciatur. Et sic Reip. commodis u-
 trobiq̃ optimè consulatur.

Facta ad eum modum bonorum Jesuiticorum dispensatio-

I 2

ut,

Statutum de Iesuitis non revocandus.

ne, per peculiare statutum sub infamia, aut alia aliqua severa poena interdici posset: Ne quis primum de revocandis aut admittendis Iesuitis ullo tempore publice aut privatim mentionem facere ausit: quemadmodum Venetos jam fecisse constat. Neve deinceps ulla ex regno Furventus, nobilis praesertim, à cujus saluti institutione Patria salus pendet, ad Iesuitas extra Regnum se conferat, iisdem se disponendam committat, Ne dum domi in expurgando Iesuitarum fermento laboramus, illud ab extra nobis nihil tale suspicantibus obrepas.

Typographis frenum injiciendum.

Tandem opinor diligenter provideri oportere, ne per officinas Typographicas talia in publicum spargantur, quae praesenti Reipub. statui & Regni hujus libertati, quocumque modo auersantur: Qualia nimirum illa haecenus fuerunt, quae Iesuitae sub moderna Regiae Mæris regno Cracoviae & alibi contra confederationem publicam in vulgus ediderunt: Talia inquam, quae per ipsorum iugulum reditura fuissent, si legum publicarum is vigor, ea observantia in Polonia esset, qualis in bene constituta Republica esse debet.

Vbi tamen vafricies ista hoc insuper dolo ut plurimum usa est, ut hujusmodi pestilentissima scripta sub alienis certorum videlicet Pralatorum nominibus emiserint: ut nimirum hac ratione universum Clerum in invidiae publicae consortium pertraherent, & disperso in plures facinore ejus vindicationem Reipub. difficiliorem facerent.

Hac inquam ratione si in matris nostrae Reip. Polonica curatione procederetur, ita ut in hujusmodi processu fororum ejus Europaeorum antegressa vestigia intentè observarem, tum demum de interiorum malorum medicationis successu spem aliquam mihi imaginari & alijs etiam polliceri possem. Sic enim peregrinissimum illum, ut ita loquar, à quo nobis non abs re metimus inter nos eradicatum & penitus obertum iri

confi-

considerem: Vt ipsum primum Clerum, cujus ad afficiendum statum publicum permagnam vim esse constat, commodiorem, & publicarum legum, sicut & Patriae libertatis studiosiorem simus experturi, quam haecenus eum in rebus maximi momenti experti sumus.

Deinde si in Reipub. administratione, circa res Polonicas aliquid vitij apparuit, aut negligentiae aliqua nota fuit deprehensa, opinor & illud remota hac corruptela, paulatim emendari posse & restitui, idque citra omnem tumultum & perturbationem.

Tandem in ipsa etiam Aula illud factionum studium, quod haecenus universo Statui Reipub. valde inimicum sumus experti, paulatim residebit & extinguetur. Sublataque & quasi obstructa hac capitali diffidentia, & publica indignationis scaturigine, omnes Regni partes & Ordines sub unanimi Pacis studio denuò inter se coalescent, & sic tandem Republica totius Corpus pristinae sanitati restituetur.

Quandiu verò hoc negligenter agimus nostris Legibus, Constitutionibus, Confederationibus, Cōgregationibus, nil amplius efficiemus, quam ut irritato malo Reip. scissuram amplificemus, dum ignis qui ad momentum sopitus videbitur, denuò erumpens, majorem fragorem edet.

Hæc sunt Illustrissimi Proceres, quæ in praesentia de rerum nostratium statu ejusdemque correctione mihi in mentem venerunt, quæque vestro potissimum Iudicio subijcere, volui, ut tantum valeant, quantum à vestra prudenti censura, valoris & auctoritatis consequentur. DEVS OPT. MAX. à cujus Misericordia & potenti dextera Regnorum publica salus immediatè dependet, ille sub hac fata-

13

li re-

si rerum mundanarum convulsione vestris hisce in
Reipub. Patriæ procuratione Conatibus pia studia
& sancta desideria suggerat., rectisque &
salutaribus Consiliis felices eventus
largiatur.

AMEN.



VPSALIÆ

Per Jacobum Olai Nielsenij,

A N N O

VenetI Considerant PapaM.




Ad 1

Responsim a Rege Gallie Henrico
IV. Jesuitis Ao 94. ex Regno Gal,
hanc ex parte, super ipso re,
Petitione datum

Porlegi Ego, Sacerdotes, Apologiam vestram, satis
verbosam, ac diligenter mecum perpendi, omnia,
quæ satis scite Innocentia vestra probanda
causâ allegastis. Quia autem negotium arduum
est, nec res judicata temerè rescindenda bre-
viter, et ut Regem docet, quid faciendum sta-
tuam exponam. Totus iam in hoc sum, ut
Regnum meum bellis civilibus attritum et
viris opibusque exhaustum, recens cum Hispa-
niâ jura pacis, pristino nitore, restituam, legibus
firmam, humanitate recreem. Id quando abâ-
ratione fieri non potest, nisi ut æquâ Jure et
benevolentia Catholicos et Hugonotos appella-
tos amplectar, tum in Ecclesiasticis tum in
politicis accuratè mihi de vobis revocandis
cogitandum esse video. Novi ego vos viros
doctos et disertos, novi zelo Catholico et Ro-
mano doctrinæ inflammatos; Novi vos
acerrimo Hugonotorum flagrare odio; novi
vos Sanctorum reliquias, carcos divini Agni

orbiculos, deipara Virginis numismata,
rosaria, vel aliud quicquam à Pontifice
Romano consecratum devote venerari,
Cuius Honoratissimi, ut ridicula aspernantes,
ut Idololatrica execrantur. Metuo igitur,
ne vehementia, quia in concionando ubi so-
letis, et condemnationum, quibus subinde ste-
ratis, atrocitate, multorum animos prorsus
pacatos demum irascetis, atque etiam im-
prudenter turbate ita audaces sitis. Jam
ut res sunt humanae, levi aliqua occasio,
ne fieri possit, quod tamen nolim, ut
bellum inter me et Hispaniam recidat.
Cuius tamen animi mihi futurum sit,
malim vos cogitare quam me dicere.
Cuius autem ante quadriennium admis-
sum fuerit, Regnum non est, vel vobis
vel aliis obiectare. Sententiam igitur se-
mel datam non muto. Vos si vere
Galli estis, magis totius Regni tranquili-
tati, quam vera utilitati consulatis.
Dixi, quae volui! abite, et valete. p.



51470013334



Biblioteka Jagiellońska

Ms 4152 (1)-(6)

Hist. Polon.

Miscell.

78.

